

አሰመረ፡ ዓዲት ሕርያን ፓትርያርክ ገብአት



ሙዲር ዓም መንበር ዳጃሰ ብጹእ አቡነ ባሲሎስ፡ ፓትርያርክ ቤት ክስታን ኦርቶዶክስ ኤረትሮፕ እንዲ ገብአው ከድሞ ለጸንሐው ሊቁ ሙዲር ዓም መንበር ዳጃሰ ብጹእ አቡነ ባሲሎስ፡ ፓትርያርክ ቤት ክስታን ኦርቶዶክስ እንዲ ገብአው ትሐረው። ለአንፋር ቅዱስ ሲነዶስ

ወወይል ገዳማት ኤረትሮፕ፡ ሙዲር ዓም መንበር ዳጃሰ ብጹእ አቡነ ባሲሎስ፡ ፓትርያርክ ቤት ክስታን ኦርቶዶክስ ኤረትሮፕ እንዲ ገብአው ትሐረው። ለአንፋር ቅዱስ ሲነዶስ

ኦርቶዶክስ ተዋህዶ ኤረትሮፕ ወመሰር፡ እብ ህለ እትፋቅ ፕሮቶታል፡ ከም መተቅብላይ ለሻረከ ወፍድ ቅዱስ ሲነዶስ መሰር ለመርሐ ሊቁ ዳጃሰ ዳኒኤል፡ ወወኪል መክተብ ሸኡን ደያናት አሰይድ አማኑኤል ተሰፋ-ሁነይመ ውዐዝ አሰምዐው።

ቅዱስ ሲነዶስ እት ፍገሪትለ ሕርያን ሐቀለ ሳደቀ፡ ብጹእ ሊቁ ዳጃሰ አቡነ ሳዊሮስ እተ ሀበው ናይ ካቲመ ወዐዝ፡ ወራት ሕርያን ሰኒ ከም ትሰርገለት እንዲ ሐበረው፡ እግል 6ይ ፓትርያርክ - ሊቁ ዳጃሰ ብጹእ አቡነ ባሲሎስ ትምኔቶም ሰኔት ሸርሐው።

በዓል ሺመት 6ይ ፓትርያርክ ቤት ክስታን ኦርቶዶክስ ተዋህዶ ኤረትሮፕ ሊቁ ዳጃሰ አቡነ ባሲሎስ፡ ዲብ ዮም 26 ኛንዋሪ 2025 እግል ትግባእ በርናምጅ ሀለ።

5ይ ፓትርያርክ ቤት ክስታን ተህዋዶ ኤረትሮፕ ርእሴ ሊቃኔ ዳጃሰ ብጹእ ወቅዱስ አቡነ ቁርሎስ ዲብ ዮም 02 ዲሴምበር 2022 ዲብ 96ይት ሰነቶም እብ ሕማም ከም ትውፊው ልትፈቀድ።

እተ ተሌት ዓዲት ወኪል ቅዱስ ሲነዶስ - ሊቁ ዳጃሰ አቡነ ዮውሃንስ ሐቀለ አሰምዐው ወዐዝ፡ እብ አሳሰ ፍንጌ ሐዋት ኣብያት ክስታን

ልኡክ ኤረትሮፕ ዲብ ቻይነ

ወፍድ ኤረትሮፕ፡ ዲብ ሃንግዙ- ቻይይነ ምን 02 አሰክ 09 ዲሴምበር እተ ገብአ ማሕበር ጎማት “ሕቁቅ እቅት-ሳድ፡ እጅትማዕየት ወዓዳት” ሻረከ። እተ ማሕበር-ጎማት መሰሉል ሸኡን ተንፊዘየት ወሳብት ወኪል ኤረትሮፕ ዲብ መክተብ መዝመት መጅልሰ ቅራን እት ጅኔሽ- አሰይድ ሃብቶም ዘርአይ “ ተሐድያት ወሐል ሕቁቅ እቅት-ሳድ፡ እጅትማዕየት ወዓዳት”፡ ነፈር ውዛረት ካርጅየት አሰይድ ናትናኤል የዕብዮ ህዩ “አድንያይ

መትሰዳዳይ ዲብ ሕቁቅ ወድ አዳም” እብ ልብል አርእሱ፡ መብዳእ ወረአይ ኤረትሮፕ ለወድሕ ከሊማት አሰምዐው። ህቶም ዲብለ መሓደራቶም፡ ዲብ ኤረትሮፕ እቅት-ሳድያይ፡ መሕበራይ ወናይ ዓዳት ሕቁቅ አፍካር ወመፋሂም እንዲ ኢገብእ፡ ሓድር አግሎድ ክፋል ወጠንያይት ፈልሰፊት ዐማርነ እግል አከዶት ዐዳለት እጅትማዕየት ክምሰልቱ እንዲ አሸረው፡ ዲብ ወጠኒያይ ሚሳቅ፡ ሲያሳት፡ ቀዋኒን ወአዋጃት ለትክተብ ክምቱ ሸርሐው።



ሰለስ ምዴርት አ/ጋ/በርክ መሻረከት ደረሰ ለወቅል ወዕለ ወድዮ

ዲብ ምዴርያት ሰልዕ፡ ከርከበት ወፎርቶ-ሳው መሻረከት ደረሰ እብ ዓመት ናይ አንሳት ህዩ እብ ፍንቱይ እግል ትወቀል ለአመመ ወዕለ፡ እት ዮም 08 ዲሴምበር ዲብ አማላዮት ገብአ። ዲብለ ሙደረእ ሰልሰተን ምዴርያት፡ ክምሰልሁመ ሰብ 7ጽ ለሻረከው እቱ ወዕለ፡ ዲብ ምዴርያት ሰልዕ 24፡ ዲብ ምዴርያት ከርከበት 25፡ ዲብ ምዴርያት ፎርቶ ሳው ህዩ 36 መአሰሳት ተዕለም ክምሰል ህለ፡ ምናተ መሻረከት ምሰል ብዘሐ ወመትመዳድ ናይለ መአሰሳት ተዕለም ለልትመጣወር ክምሰል ኢኮን ትሸረሐ። ለናይ ተሐደሰ ተሐምቅ ወዕለ፡

ሐል ለለአመጽእ አፍካር እግል ልጅብብ ወቀዋኒን ከርሰ እግል አፍገሮት ክምሰልቱ ለሐብረ መስኩል ተዕለም ፈሬዕ አቅሊም ጋሽ በርክ መምህር መሐመድዐሊ ኢብራሂም፡ ለመሻክል እግል ልርሄ ምሰል ክሎም ናይ ሸቅል መሻርከት ጀሃት ወእዳራት እንዲ ትመቅረሐው ሸቁ ክምሰል ህለው አፍሀመ። ርእሰ መጅልሰ አቅሊም ጋሽ በርክ አሰይድ ዐ-ሰማን መሐመድዐሊ እብ ጀሀቱ፡ መሻረከት ዲብ ዐግሎ ተዕለም እግል ትወቀል ለሐልፊ ቀራራት ወለፈግረ ቀዋኒ ከርሰ፡ በዐሉ ሸዕብ ናሱ ሰበት ገብአ፡ ገብል ለአመጣበ መሕበር ተሐደሰ ተሐምቅ ወበራምጅ መራቀብት

እብ እህትማም እግል ልትከደም እቱ አትፋቀደ። ሓክም አቅሊም ጋሽ በርክ ሰፊር መሕሙድ ዐሊ ሕሩይ እብ ጀሀቱ፡ ቀድየት መሻረከት ዲብ መብዘሐ መዳርሰ ናይለ ምዴርያት ለልትረኤ መሻክል ክምቱ እንዲ አሸረ፡ እግል ባልሐቱ ለፈግረ ቀዋኒን ከርሰ ፈሀም መጅተመዕ እግል ለዓቤ ወመሻረከት መዐየ ለለአክድ እግል ልግበእ ክምሰል ወጅብ ሐበረ። ዲብ ደንገቤ፡ መሻረከት ደረሰት እብ ዓመት ናይ አዋልድ አንሳት ህዩ እብ ፍንቱይ እግል ትዕቤ ለሰዳ፡ እምበል ምሰምሰ ክቡት ለልትረኤ አትካራም ደረሰ እግል ልትረፍ ለአመመ ቀራራት ወሬናታት ሓልፈ።

ዐሰብ፡ መአሰሰት ፈርያት በሐር ዝያደት በርክት

ዲብ ሐን ወጠንያይት መአሰሰት ዓሰ ለትሸቁ ሸረከት ፈርያት በሐር ፈሬዕ ዐሰብ፡ እተይ ዓሰ ዲብ እለ ሰነት እብ ኑዕየት ወቅያሰ ከም ዐበ ሸርሐት። መመቅረሓይ ሸቅለ ፈርዕ አሰይድ ኻልድ መሐመድ- አሕመድ እግል ኤሪነ እተ ሀበዩ ሐብራ፡ እተይ ዓሰ ምን መጅልበት እብ ዐውል ራትዕ እንዲ ትክብተው ዲብ ሸዕብ ወዳሽ ዲብ ወዘዶ፡ ዲብ አከዶት ቅዝ ለበ ሙነት ወዐቦት መትመዋን ዓሰ ከም ሸቁ አብርሀ። እትለ ሰነት እለ ለትሐደረ ዓሰ 508 ቶን ዲብ ገብእ፡ ምሰል ሐልፊት ሰነት ዲብ ልትርኤ እብ 40 ምእታይት ክም ዐቤ፡ አፍሀመ። አህምየት በረድ ዲብ ወራት እንዲ ፈሀመው፡ በረድ ለለአፈርየ አሳት ሸቅለን እምበል አትካራም እግል ልሰርግለ መታብዕት ወአትሰናይ ከም ገብእ እግልን ለሸርሐ አሰይድ ኻልድ፡ እትለ ሰነት እለ እብ ዓመት 453 ቶን በረድ ፈሬ እት ሀለ፡ ለ 318 ቶን እግል መጅልበት ዓሰ ከም ትህየብ አብርሀ። በራምጅ ጠወሮት መቅደረት አዳም እብ ከሰሰ ህዩ፡ እግል 09 ወርሕ ለአተላለ እብ ፍዕል ወዘዘር ለተለ ተእሂል ቴክኒክ እግል አንፋር ልትህየብ እት ሀለ፡ ዲብ አግቡይ ጽብጠት ሕሳብ ፡ ቴክኖሎጂ፡ ኮምፕዩተር ወእዳረት ለረከዘ ተእሂል ከም ትዝመ ሸርሐ። አሰይድ ኻልድ እት ደንገቤ፡ እተይ ዓሰ ሰኒ እግል ልዕቤ፡ ዲብ ጅህድ ትሩድ ከም ህለው እንዲ ሐበረ፡ መጅልበት ዓሰ፡ በሐር ምን ክስሐ እግል ትድሐን ለልታለው እዳረት ለመድ እግል ለአተላልወ ወዲብ ጂል ሐዲስ እግል ለዐድወ አትፋቀደ።

መቃብለት ርኢስ ኢሰያስ (2^ይ ክፋል)

ሓይላም ቁርኣት፡ ሓይስ ርኢስ ኢሰያስ አፍወርቁ፡ እት የም 30 ኖቨምበር፡ ተዋልል ሕርያን ረኢሰት ሐዳስ አሜሪካ፡ ቅድየት ሱዳን ወተጠውራተ፡ ተዋልል ፈንጨጋር አቶብዩ፡ ወሄራር ዐማር ወጠን እት ገሌ መጃላት ለትከሰስ መቃብለት ምሳል ዓማታት አክባር ቀበት-ዐድ ዋዲ ዐሌ፡ ከዲብ ጥብባት ለሐልፊት አወላይ ክፋለ ትቀደሙ፡ የም ህዩ ካልኣይ ክፋለ እግል ንቀድም እኩም ቲ።

ዲብ አፕሪል ሰነት 2023 ለቀንጸ ሐርብ አድሕድ ሱዳን እግል አሰከሰት ጸገም ገብእ ምንመ ዐሌ አሰከ እለ ኢትሰርገሌ እግልግግ፤ ዲብ እለ ሳምን እለ ለገብአት ናይ ሐቲ አምዕል ዝያረት ጅንራል አልቡርሃን ዲብ ኤረትርየ እት ወግም እንዴ አቲኩ ሐል አሳሲ እግል ልትረከብ ዶር ሕኩመት ወሽቦብ ሱዳን ክምሰልሁ መ እድንያይ መጅተመዕ ሚ እግል ልግበእ ቡ፤

መጅተመዕ እዲነ ለልትባህል ምንቲ፤ ለኢትተምተም ቅወት እዲነ ህሌት፤ ዲብ ክእነ ለመሰል ቅደይ እንዴ መጽአ ዶር እግል ለአግዴ ቀድር ለልብል ይህላ። ምንቲ መጅተመዕ እዲነ፡ ምን እለን ክልኢተን፤ እንዴ አዘምነ እብ ሓላት ሱዳን እግል ንትሃይ ገብአነ ምንገብእ፡ ለሐርብ ምን ቀንጽ ክልኤ ሰነት እድወር ህላ። አክል ሕድ ክምሰል እለ አሰልፍ እትሃይ እቡ ለጸንሐት ናይ አሜሪካ፡ አርቤ ቻይነ ወሩሰዩ ለልትባህል፡ እትሊ ግዋሬነ ምን ቅሩብ፡ እግል ነኣንተብህ እቲ ልብነ ጋር ናይ ሱዳን፡ ዲብ ሰልፍ ክሉ ለልትረተብ ቲ። እብ መፍሁም አሰባብ ፍንቲት ቡ እንዴ ትቤ እግል ትትሃይ እቲ ኢትቀድር። ዲብ እለ አዜ ክሉቅ ለህለ ሌጠ ማይክሮሰትፕ እንዴ ወዴነ ምን እንርእዩ፡ እግል ንትሃይ ኢሉአትሐዜነ። ዲብ ሐቂቀቲ እንዴ አቅባልከ ዶል ትርእዩቲ እግል ትትሃይ እቡ ለብከ። ናይ ሱዳን ሰያሰት መካሪት እግል ናሱ ጂኦ ሰያሰት አህምዩቲ ልግበእ ወዲብ ከርሱ ለህለ ተጠውሩ እብ ዋጅብ እግል ነኣምሩ ለአሰትህለነ። ክምሰል ብዕድ ረዩም ለህለ ልሰዕ ምን ቅሩብ ኢሉአሰር እትነ ለእምብሉ አርእሱ።

ክምሰልሁ እንዴ ወዴነ እግል ንርእዩ ይእንቀድር። እብ ጠቢዐት አቤነ ወፊቲነ ዐድነ እግል ነሐርር ልግበእ ወዲብ ብነ ወጠን ለዐለ እሉ ዶር፡ እብ ቀሎ ቀሎ ለልትረኤ ኢትን። ቀድየት ሱዳን ክምሰል ለገብአት ዲብ ረዩም ለህሌት ቀድየት ለትትረኤ ኢትን።

እለ ሰበት ገብእ ሐቆ ትሰዲናት



ሚ ወዴነ ወቀደም ትሰዲናት ህዩ ሚ ዶር ዐለ እግልነ፤ እብ ከአፎ ንትመቃረሕ ዐልነ፤ ከአፎ እንዴ ወዴነ እግል መሰለሐት ሕበር እብ ናይ መንጠቀት ልግበእ ወእብ ናይ ክልኢተን ለደውለት ለልትረኤ ሚ ወሚ ዕላቃት እግል ንጠውር ብነ፤ የምክን ዲብ ናይ ግብለት ሱዳን ቀድየት፡ አርእስ አክባር ጋብእ እቲ

ህታተ ለእት ፍዕል ትውዕል ልትባህል ዐላ። ዲብ ክእነ አዋይን ወእምነትቲ አዳም ልትሐረክ ለዐለ። ለቴለል ሳኪን ዲብ ገይሰ ቅያሰ ለአለቡ መሐለኪት ወናይ ካርጅ መትኣታይ ዲብ በዜሕ ወለትፈናተ አጃንዳት ዲብ ልትሐበክ ሐቆለ መጽኢ፡ ዲብ ሰነት 2011 መትፈንታይ አው ሕርየት ናይ ግብለት ሱዳን መጽኢት። እለ ሳኪን እምበል ሸክ እግል ልግበእ ለይዐለ እሉቲ። ብዙሕ እስትሸሃድ ወጅህድ ለገብእ እሉ ዲብ እንቲ ገብአ። እለ ህዩ ሚ እግል ውድየት ቲ፤ እተ ወክድ ለህይ ሱዳን ጀዲድ ለልትባህል ሀገራት ዐለ። ሱዳን ሐዳስ ሚ በህለት ቲ፤ ናይ ምዋዋንን ወጠን፡ ቆምያት ቀባይል፡ ወዐቫይር ለኢፈናቲ ደውለት እግል ልግበእ ለትቀድር፡ እግል ክሎም ሱዳንዩን ለትወክል እግል ትግበእ ህለ እለ። ክል ነፈር ልትሃይ እቡ ለዐለ ምህዞ ሐዲስ ለአለቡ አዳም ልትሃይ እቡ ለዐላቲ። እለ ህዩ ዲብ ሱዳን ክምሰል ሕርያን እግል ልሸቄ ወጅቡ ለዐላ ቲ። ዲብ ንዛም መጽኢ ለዐለ ለትፈናተ አጃንዳት ዲን እንዴ ጸብጠው መጽኢ ሰበት ዐለው ሳኪን እለ ልትባህል ለዐለ ልትከቦቲ ይዐለው። እግልሚ ናዮም ፍንቲይ ለአመመዉ አጃንዳት ሰበት ዐለ እሎም። ዲብ

እንትፋደት እለ ለገብአት ትግበእ ጀህት ለነዘመተ ይዐለት። እለ ህዩ ለሸቦብ ክምሰል ዳየገ ወምን እለ ወለዐል እግል ልትሐመሉ ልቀድር አዋይን ሰበት ይዐለ እሉ እግለ ዐለ ንዛም ነወከዩ። እለ ሐቆ ወደ ለሸቦብ አሰክ አዩ እግል ሲገሰ ሰበት ሐዛቲ ለልብል ሰኣል መጽኢ። ሕነ እብ ጀህት፤ እለ ከአፎ እንቀርኡ ዐልነ እምቤ ምንገብእ፡ ዲብ ቀበት እለን ምን 89 ወሐር ለዐለየ 30 ሰነት፡ ለሳይፊን ተሐድያት ወመታክል ናይ ቢንላዲን ምጽኢት ዲብ ሱዳን አሰክ ሰነት 1996 ለትፈናተ ናይ ሰያሰት ዐዳዋት፡ ለትፈናተ ሕልፍ ዲብ ተአሰስ ልጠወር ለዐለ እንዴ ሰኩብነ ወአሰተረሐነ ይሐለፍናሁ። የምክን ምንገብእ እግልነ እለ ሸክታይ ለህለ እግል ልሰኔ ወልትሰለሕ ቀድር ገብእ፤ እምበል ዕርፍ ወግሳይ እንሸቄ እቲ ለዐልነ ቴለል ቲ። ዲብ ደንገብ እለ መጽኢ፡ ለገብእ ልግበእ ነፈር ልታከዩ ይዐለ። ነኣምር ዐልነ እንዴ እንቤመ እግል ንትፋወሽ ይእንቀድር። ለሸቦብ ዲብ ደንገብ ክምሰል በጽሐ ዲብ ጥሉቅ ነዐር አተ። እለ ሳኪን ለሸቦብ እባዩ ገይሰ ወሚ ለሐዜ ዐለ እንዴ ኢሉአምርቲ ለወደዩ እንዴ ትቤ እግል ተኣትናእሹ

ኢልትቀደር ወክምሰልሁ መ ይዐለ። ምን እለ አሰክ አዩ ለልብል ሰኣል መጽኢ። አዜመ ምንገብእ ክምሰል ናይ ባዲር እግል ኢልደገም ሚ እግል ልግበእ ቡ፤ ሕነ ምን ቃብል ሌጠ እንዴ ኢገብእ፡ ምን ቅሩብ እንዴ ትዋጀህን እግል ንትጋሚ ብነ። መሰለሰት ሰያደት ቀድየተም ቲ። ሳኪን፡ ተጃርብነ ዲብ ሕድ ተእሲር ሰበት ወዴ ወሐሐለፍናሁ ዘበን ናሰነ ሰበት ነኣምሩ፡ ወልባብ ለለህይብ ሰበት ቲ እለ እንዴ ተዐዳነ እግል ኒገሰ ይእንቀድር። ሰበት እለ ሕናመ ዶርነ እግል ነኣግዴ ህለ እግልነ። መሰኩብት ሱዳን እግል ትትመደድ ሚ እግል ልግበእ ቡ፤ ዲብ ሰር 2022 ናይ ደንገብ ወረቀት ቀደም። ምህዞ ሐዲስ ይዐለ ወሕናመ አምራም ውፋህም ሰበት ገብአነ ኢትን ወረቀት ለቀደምነ። ብዕድ ሕርያን ሰበት ይዐለ እግልና ቲ። ሱዳን ናሰ እለ ብነ ደውለት ዲቡ መታክል ለከሬ ወለከሬዕቲ። ምን ሰነት 1956 አሰክ እለ ሃድል የም፡ ዲብ ሱዳን ለዐለ ሄራር ሰያሰት ወብዕድ ሄራራት ዐቦት እንዴ አትናአሸከ ለልትረኤ ኢትን። ሳኪን ለዐቦት ወለተጠውር ምነ ብዕድ እንክራት አፍሪቀ ለትፈንተ ዐለ። ዝያደት አብነት ዐለ። ለናይ ግብለት ክምሰል ሸርሐኩው መታክል ዲብ እንቲ መጽኢ። ብዕድመ ሐል እንዴ ኢረክብ ለተርፈ ክምሰል ናይ ብሉናይል፡ ኩርድፋን፡ ዳርፋር ወምፍጋር ጸሓይ ለዐለ ቴለል ሐል ለኢትረከብ እሉ ዐለ። እለ ናይ መትፈንታይ ግብለት ሱዳን ዲብ ሰነት 2011 ለቴለል ህወንዩ ወአትህድአዩ እንዴ ትቤ እግል ትትሃይ ኢትቀድር።

ሰበት እለ እለ ብንዩት ወጠን ዲብ ሱዳን ለአግደ ህቲቲ። እሎም ማሌ ለመጽኢው ናይ መ-አተመር ወጠኒ ወናይ ሰያሰት ቅወት ለልትባህሎ። ለዐመልየት ዐንቀፈው ወሐምረገው። እቅትሳድ ሱዳን ግረ አትረፈው ወሱዳን ደመረው። ናይ ሸቦብ መሳልሕ እብ ዶልዶሉ አድዐፈው። ሱዳን ዲብ ክእነ ላተ ደረጃት ሰበት ወድቀት ለሸቦብ ከፊነ ቤላ። ዲብ እለቲ ሰኣል ለመጽኢ፡ እግልሚቲ፡ እግል ክሉ ጸገም ወጀርቤታት እንዴ ገብእ፡ ዲብ ሐልፈዩ ክልኤ ሰነት ዲብ ወክድለ ነዐር፡ እግልሚቲ ቀድየት ሱዳን ሐል ለኢገብእ እለ። እግልሚቲ ቀድየት ሱዳን ለኢሰክበት እምቤ ምንገብእ እለ ናይ ሱዳን መሻክል ኢትን ናይ ካርጅ መትኣታይ ቲ። ሕርየት ወተቅዩር እብላ፡ ሕርየት ወተቅዩር እብ ሎሁ። ሚ በህለት ቲ ሕርየት ወተቅዩር፡ ናይ ባዲር አሕዛብ ሰያሰት ሐቲ ክልኤ ዲብ ትብል ፍሰለን፡ ዶርን ሚ ዐለ ወእብ ሰበብን ትትሃይ። እትሊ ወክድ እለ፡ ሐዳይስ ተናዚም ሰያሰት እንዴ ትቤ አዜ ትትሃይ፤ እለ ክሉ ልጽንሕ፡ ሸቦብ ሕርያን እንዴ አመራ፡ ለንዛም ግልጽጽ ህለ።

ዲብ ገጽ 7 ልተላሌ...

ጸደቅጥፍፍጻክ

ክል አርቡዕ ለትጠ'በዕ ጀሪደት

መዳልያይ፡-
- መሐመድ እድሪስ

ለይአውት ወአርተየት
* ዘህረ ዐለ
* ፋጥነ አድም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመርት፡
ተለፎን፡ 125013፡ ዕ.ሰ.ቡ፡ 1284

5ኛ ክፍል

ድንገል ወመንደላይ

ጀህራይ ሐቆ ክርን ወልክዩ አብ እትቤ ሰምዑ፡ ህቲ እንዴ ኢልርእዩ አሰክ ክዋናሁ እግል ምኑ ክሩይ ለዐለ ደብር እንዴ ኢልአተንፍሰ ፈግረዩ። ሓሁ እት ክዋናህ እንዴ ገንገሉት ጸንሐቲ። እማት እግል እግልን አትግበዩ። ድራር ምን ገብእ ረአዩ፤ ሰፍራሙ እለ ነገር እለ ኢትሻቀለት እቡ መሰላ፤ እንዴ ሰፍረ ከብዱ የሐሰ። ከያል ወወሰፋት እትቤ ላቲ መለሀዩ ገብእ። መለሀይ እብ መልሀዩ ሕሽም ጋሻይ ልቡ፡ ሻም እትቤ፡ ተዐብ ወጅርሰት፡ ሰፍረ ወቅርሰሰ እለ ጋሻይ ሐዲሰ ህቲ ዐደን አሬመ ምኑ። እግል እማተ ዓሩም ሓሁ ዓሩመን እንዴ ነሰእ እግል ልሕለበን አንበተ።

እብ አሳሚህን እግል ለዓልለን ሓዘ እት እንቲ ህቤ፡ “ሐማሴ ዕምም፡ ሰማይት፡ ሰህላይ፡ ዐጋመት፡ በርህ፡ ለልትባህላ ሓሁ፡ አሳሚህን እብ ሰሚት እትቤ እንዴ በደለዩ፡ ‘እትቤ’ እት ልብል ቱ እግል ለዓልለን ለአንበተ። እብ ኢሰሚተን ክምሰል ዓለለዩን ህቤ፡ ህተንመ ኢትሸንሀዩ እቲ ወምን ሐሊበን ከባይ ወደያሁ። ሚ ልብል ክምሰል ህለ ላኪን ፋጥን የዐለ። ሐ ህቤ፡ ሐቆ እብ ሰሚተ ኢትዓለለት ወእብ ፍንቲይ እም ዐረም፡ ሐሊብ በኪት ኢልትሐልብ ምኑ። ሓርቅ እት እንቲ እግል እማተ ዓሩም እት አቅርንን አትሻከረዩን። ግድም ላሊ ትከፈለት ወእግል ሐዋን ፎሬን እማተ እግል፡ እተ ምድጋሁ እሳት አሶረ እቲ። ደሚሩ ወፍክሩ ምሰል እትቤ ዓይር ሰበት ዐላ፡ እግል እተ ሞሻት ታኪሁ ለዐለ ሐሊብ እንዴ ትረሰዩ። ምሰል እት መሳፈት ሰኒ ረያም ለዐለት እትቤ ህጅክ አንበተ። ህጅክ በዐል ቅብላት ልቡ ተውሰ ወደሚሩ እትቅሱይ፡ ወእት ምራድ ኢተአበጽሕ ድግም ፋቲ ወፍቲይ ለእብ ሰርቤብ ወሀጋይን እብ በኑ እት ምድግ ክዋን እጭንቡይ። አይወ! ልቡ ወደሚሩ እብ ሕሳባት ወሀማት እግል ምሴት ለሀ ሳይፈቲ ትምሳል መላእከት እት ወድ አደሚ እትቤ ትረሬዐ ወትከረ ምሰል። ዐቅሉ ትሐምረገ፡ ወሕሳባቲ በዝሐ ወትሸተተ። ብለዕ ወሰታይ ክምሰል ኢናዩ እንዴ ረአዩ ባቡ ደብእ እቲ ከእብ ከባይ እት ምትክራሩ ልትባለሰ ትመዩ።

እም እትቤ እግል ወለተ ምን እቡ ትአርዐዴ ወትራጅፍ ለዐለት ቅርሰሰ ዝላም ወብርድ እግል ተአትሓፍ። እሳት እት ተአትሳውረ እግል፡ ክልኤ እዝ እግል ምን አፍ ብእሰ እምበል ቅያሰ ልትባህላ ለዐለ መራግም ወሄረራብ ትሰምዕ እበን ዐለት። በህሉ ወድሐንክ ብሃል ምኑ ምንዲ አቡ ምን ስምዑ ማሸገት ወሓርቀት እት እንተ፡ እግል ድብለተ ያልሴ ልእቲ ዐለት እንዴ ሸምከት፡ ክምሰል አው ዴቶት እት ተልገ ካራ፡ እብ ሀሩር ከብድ አተንሴ ቴሉ።

“ሰምዕ! ትሰሚዕ ህሌክ የሀ እናሰ፤ አፋክ አሆ አክል እለ እት ረቢ

ብሃል አቡ። ሐድ የአተንሴናኩ። እለ ወለት ሐድ ወብዘሕ ሚ ኢወዴኪ ትብለ ህሌክ፤ ከዶል ነሐረ ሐብጠ ትብለ ህሌክ ወክልእ ዶል ሸንገሉት። ከእብ ሸንገልናህ ትአትዐግቡ። አባዩ ወኢፈታዩ ኢሸንገለ ወኢልዕቤ ወለቲ እትቤ። ወላድክ ገብእ ኢትን! እለ ላቲ ምን አፍ ዋልዳይ ለኢፈግር ወለኢልትሰመዕ ድቦ ወአዳግሚት ቱ። ወለቲ ንኢሸ እበን ሚተ ክእት ሐቲ አካነ ትነብር። ንኢሸ ወድ ሚን አደሚ ተ ኢትን። አክለ አተንሴናክ ምን ትመክረህት ወለ ትብሰኔት አፍገርኩ። ወለት አብ ቀጠን አነ! “አሰናይ ወላድዬ ወንዋዬ እብ ሰላመቱ እት ሸፍሩ ዔረ ብሃል፡ ምን ልብክ በደ፤ ዕዩር ኢልግበእ ሸፍርክ ወዳርክ ወምቅርሕ ኢልግበእ መቅርሕኩ። ዋልዳይ መክር ወገበይ ራትዐት እግል ቀፍር እንዴ ኢትን። ደለ እት አፍሁ መጸአት እግሉ እግል በርጭቅ! አህ! አክል እለ መራግም እግል ክፋል ክል ክትፈቲ ላተ ሰሩጊት ጀህረት፡ ሓይሰት ሰናተ ሰንደለት፡ ቅዱይ ትንፋሰ!

እግል ወለተ እትቤ ሰናቄት ወሐሌት ክርንተ እንፊ ረፍዐት። እንዴ አትሌት፡ “አህእ! አዳም ሐቆ ጭወይ እት እንቲ አተንሰወ ሰኒቲ ህሌት ልብል። ፈዐ ኢሊደኤ እግልኩ፡ ወለት አብሕኒት። “ዘርእመ እግል ወልዬ ዘርእይ ሐዘክወ” ትቤ ልቡለ ዘርእ በልዐት። ተዋብመ ወለቲ እትቤ አጥዐመቱ እግልን። (“አነ ገመልቲ እብሉ ወህቲ ሕለቡ ልብለኒ”) ለመሰላተ እለ። አነ ተአዝም ገብእ እብል ወእንተ ለበዲር ለቴልካሁ ምን ሐዲሰ እግሉ ትላቅሰ” ቴሉ፡ ሀሩር ከብደ ክምሰል አፍገረት፡ እግል ራፍዐተ ለዐለት ድብለት እንዴ ከሬተ፡ እተ ያልሴህ አቅበለት ምኑ።

ላሊ ሰለሰ እዳህ ጌሰዩ። ለወክድ ኢወክዱ እት ደሚርለ ክልኡት አብጽሐት ለዔረ ጋሻይ ሸዑር ዴሪ፡ ላሊ ክምሰል ኢሰከብ። ኢበልዐ-ወ ወኢሰትወ ወደዮም። መትባላሰ እት ምትክራር ሀሀም-ገም እብ ሕሳብ፡ ተቀም ወሀተም ምሰል ደሚር አርወሐት፡ ሓሳም እቡ ለኢለአምሮ ሸዕር ፍንጌህም ወፍንጌ ሰካዮም ወራሐቶም እንዴ ገብእ፡ ህቶም ወዕርፍ ምን አሕድ መሳፋት ሰኒን ወድኒን አትራዩመው። ጋሻይ ሰካብ፡ ጋሻይ ዴሪ ላኪን ሰካብ አለቡ ወምትክራሩ ኢትትከብቲ። ተቀም ምሰል ደሚር በልሰ እቲ እንዴ አለቡ። አትሓዋር ወአትቃዋር ለናይ ክልኡት ፈታይ እሰትራተጃ፤ ወአግደ መልህም በዐል ዴሪ።

እትቤ ላሊ እት ትትባለሰ ታርፍ ምን ለዐለ ምርት ርዕዕ፡ ሰፍረ ሰፍረ እንዴ ኢተአበጽሐ ደንግባላ ላሊ ክምሰልህ ስምጠ ምድር እንዴ ኢተህይብ፡ ሰለሰ ርዕዕ ክባባይ ገብእ ህቲመ ከሐልፈዩ፡ መሰኪን እግሉ ልብ ፋቲ። ለእግሉ ግልብብት ዐለት ዙቲህ፡ እብ ኢዝንቡ ምን እግረ እት

ረአሰ እት ሰሕቡ ወትትሉ ላሊ መክረህት ሓለፈ። እግል በዐል ቃብል ሳክበት ወምን ኖሰ ታርህት እት እንተ ትመቤት። እተ ምሴት ለሀ ለትዋጅህት ምሰሉ ጀህራይ በሀሉ፡ ብጥረቲ፡ ለብሰቲ፡ ሰሓቲ፡ ጸዋሩ፡ መጋይሱ፡ እብ ፍንቲይ ህቤ፡ ለእተ ረአሰሰ ትግራቲ ሳቀ ለዐለ ኮናት ወሶተል ክሩፍ፡ በዐሉም እብ ፈርህት ቅብላት አው ከደን ልግበእ ወዘምታይ ወድ ሚንአደሚ፡ ሐር ክምሰል ኢልብል ልትካዩል እግል ትመዩ። እለ ሰድ እለ ሰእት ሐንገለ ለአብደርግ እግል ለዐለ ሕሳባት መንገሐቲ እብ አፍህ እንዴ ደርክ ከእብ ክእኒ ደግመቲ፡ “እት እዳነ ሕሚት ለትብሀል ኢተርፍ። ሐቆ ትሐሚክ ህቤ፡ እት ፋርሰ ወዋቂ እግል ትትሐሚ ህሌት እኩ። አቤ! ለሰዱድ ወትሩድ ቀለጭመ ምን ወርወርት ኮናት እት ዐዶሁ ቶቤኮ ሐር ለለሐረግርግ ኢመሰለኒ።



እምበል ሸክ። እለ ዮም ወእት ሐዳይ ወቅት ለትርኤን ምሰሉ በጽሕ መንደላይ አክል እለ ምን ሰካብ ላሊ ሕሩምይ ለሀሉ፡ ቶቤኮ አነ ወህቲ መንበር ሰኔት እግል ነሓልፍ ቲ። አው ቀብርን ምርት እግል ልግበእ ቲ እንዴ ኢትን። ግምሽ ኢትን እለ ገርብይ በኪት ወሓድር እንዴ ዐላ፡ አዘ ክምሰል በዐል ሻፍጋይት ቅሎተት ያብሰት ጋብአት ለህሌቲ። አዑዙ ብላህ ምኑ ዴሪ ለልትባህላ ክምእኒቲ። መቅርሐ ልትወለዎ! ምሰል ተዐብቤ፡ ተዐብ ትወሰኪ። ደአም ለእግሉ ርኤኮ ጀህራይ ክምሰል ሰሚቲ ለልተምኔ ከአፎ ገብእ ሰክብ ወለዓርፍ! አቤ! ማሸአላህ ወትባርክ አላህ ሰያሰ ወዐግል፡ ግርመት ወሐምደት ብርድት፡

ሐጠር ወሰብእንት፡ እትሊ ዕምር እለ እት እንቲ ኢትን ጸር ጸውር እግሉ ህለ” ትቤ ምን እት ደሚረ ለአብደርግ እግል ለዐለ ሕሳባት፡ እብ ህግዩ እት ሸማል ክምሰል ለአወልውል ወዴቲ። እግል ዴሪ ህይ ዐዘዘት ምኑ ወረግመቲ እትቤ። አማናቲ እትቤ ምን ምቀደም ክልኤ ዕንተ ገዩሰ እግል አብ ጀህራይ። ገበይ ሄራርም እት ሻም ምሰልመ ቀሊል ክምሰል ኢገብእ እት ሰልፍ ረአዩቶም ትፈሀመዩ እትቤ። እብ ፍንቲይ መራግም አብሀ እብ ሐት ሐቲ አትዋረደቲ። ክለ ለሓለቶም ምን ምሴተ ሰልፎም እኪተ ወሰኔተ እብ ሐትሐቲ እት መቀደም ክልኤ ዕንተ ክምሰል ተሸበሐት አትዋረደተ ወአትባጠረተ። እበ ካልእ ስምጠ እት ትትባለሰ፡ “ሃዩእ! ጅንቲ ገብእ ሚ መልአክ ምን ገብእ ደለዩ፤ እለ ላቲ ወድ አዳም ገብእ ኢትን።

እትቤ ትሰምዐት ላቲ ክሉ እተ ሸብሃት ለዐለ ደሀይ፡ አክራናቶም እንዴ ሐሳሐሰ ተለለት እሰቦሕ ምን አፍ አሕድ ትካብተው።

ፈጅር ጽብሕ ምድር ክሉ መክሉ እብ ጽብሐቲ በሻይሩ እት አሕድ እት ነድእ ሰራይር ጭቅ-ብሪቅ ቤላ። ደበሊትመ (ሁእ) እት ልብል አክራናቶም ወቀለው። ደወርህመ ሕሱ እብ እሃናት ወቀለ፡ አርድ እግል ሸርቀት እሰቦሕ እት ለአትባርህ ክብድ አደግ መሰል።

እላ ላሊ እለ እግል ጀህራይመ ላሊ ሰካብ የዐለት ወቅሳን ወጽጋቤ። በደል ምን ሐሊብ ሓሁ ከብዱ እንዴ መልአ (ላሊ ሰካብመ ወአድሐ ጽጉባመ ሊዴነ) እንዴ ቤላ ምን ስምጥ ማኑ እብ ስምጥ ገለቡ እት ልትባልሰ፡ አሰክ ሓሁ እት መሀሰይ ትቀንጽ ሰክበ ልትመዩ ለዐላ፡ ሰካብ እንዴ ትጋረፈ ተቀም እብ ሀጋይን እትቤ እት ልብል ላሊ ግራህ ለዐለት አድሐ እግል ትትከበት ንዋተ ለነሰሕት። ጽብሕ ምድር እብ ሰካብ ዕኑዳል እት እንቲ እንዴ ቀንጹ፡ እግል ልመተ ሸክምለ ለዐላ ለእት ሰልፍ ፍግረተ ለዐለት እት ጣሰሰ ወረዋሰሰ፡ “ያፈራጅ! ጽብሕ ምድር በኪት ወደዩ እግልን። አሸራር ኩርዕ፡ ወምራድ ምን ንክ ታምም፡ ወአናመ እት አፊት እትቤ ክምሰል ሐማሕም ውዴ። እለ ቲ ምራጅ ወትምኔቲ። እግልዬ ክብድት ተ ወእግልክ ሲመ ኢትን ሞላዬ! እት ሰር ለህሌት ወእት ድምር፡ ዕልመ ምሰልክ ህለ ለሐቲ ኢትትሐበዕ ምኑ ወኢትትሰተር። ለሚምለ አቅሕሞተት ትደሌ እት ጽልመት ላሊ ትክ አኑን፡ ወእት ሰመ ለህሌት ትደሌ ምልዕልን እት ዕርጌ ስቅል” ቤላ ጀህራይ ከእግል መሐልክ ሓሁ ነሰኢ። እትቤ እንዴ ኢለሐሰበ ፈጅአተን ለትዋጅህ ምሰሉ፡ እምበል ኢደሌ ምን ርሸመት ደብር ትሓቲ ለትከረ ምሰሉ፡ ለሳሰት ለእበ ሳርሐዩ፡ ክልኤ ዕንቲ ምን አትቃማተ አቅባል እግሉ አብዩ። ግንሐት ካልእ አካን ኢረደዩ እግሉ ወኢፈተዩ። ንዩቲ ወትምኔቲ ምን ጎር ረቢ እግል ትትመም እግሉ ህይ እት ሞላሁ ደዐ።

ዐድ እትቤ ላሊ እብ አሰባብ ተአኪር ወለቶም ሐሙያም እት እንቶም ምንዲመ ትመዩው፡ ፈጅር ላቲ ህቶም ልግብእ ወወለቶም በአሰ ውሉድ ወዋልዳይ ሰበት ገብእ፡ ምርተ ከእት ሴሩ ትብገሰ። ለክልኡት ዋልዴን ክል ምኖምተ ከእት ደሚሩ ዕቅደት ሕሚት አሰራም ምንመ ትመዩው፡ ዕቅደት ሰብ ሸርከት ሐያት ሰበት ገብአት፡ እት አፊቶም ሰብ ደኪለት እንዴ ኢለአትገሱ ምርት ከአሰር ሴሩ ትባገሰው። ላመ እብ ሰበበ ለትብአሰው ወለቶም ወለት ርሕምም እብ ግብአተ፡ ክልኤቶም ዋልዴን ሰኔተ ወመንደራዊ ለልሐዙ ሰበተ፡ ላመ እግሉም አትብአሰ ምርት ቀርድ ቲ። ህቲ ህይ ሰን እግል እት ለሐዘቲ ቲ።

ሙሰው-ር፣ ክብርም ጸሀይ

እት ለሐልፊ ወክድ አስክ ምዳርየት ፎርቶ-ሳው እንዴ ተሐረክኩ፡፡ ሐለት ተዕሊም ምዳርየት ፎርቶ-ሳው እግል ንድሌ ምስል ሙደርስ ዑሰማን እድረስ መስኩል ተዕሊም ምዳርየት ፎርቶ-ሳው ሀድጋም ዐልነ። ታምም ጸብዋ ዲብ እል ናይ ዮም ጥብባት እንቀድሙ እግልኩም፡፡ ቅራኑት በኪተት።

ምዳርየት ፎርቶ-ሳው ዲብ ሕዳድ ኤራትሮፕ ወሰ-ዳን ለሀሌት ምን ለረሕባዩ ምዳርየት ኤራትሮፕ ሐቲ ተ። ሸዑብ እል ምዳርየት ቀደም ሕርየት ብዙሕ በክት ናይ ተዕሊም ምን ራክባም ለየዐለው ምርቱ። ሐቀ ሕርየት ህዩ ሸዑብ ውላዱ ዲብ ዐግሎ ተዕሊም እግል ለአሻርክ ብዙሕ ጅህድ ገብእ ህለ። እል እምበል ውዛረት ተዕሊም ለትቀንጽ እቡ እብ ደረጀት ምዳርየት ለሀለው ክሎም አፍረዐት ውዛራት፡፡ መሓብር ወዳሽ እብ ሕብር፡፡ ሸዑብ መንፈዕት ተዕሊም እንዴ አመረ ወፈህመ፡፡ ውላዱ እግል ለአሻርክ እምበል ሕላሌ ብዙሕ ጅህድ ገብእ ህለ። ምን እል ለትባባህ ህዩ እትሊ ወክድ እል ዲብ እል ምዳርየት 22 መአሰሰት ተዕሊም ክድመት ለሀይብ ህለዩ። እልን 2 ረውደት፡፡ 18 መአንብታይት ደረጀት፡፡ 2 ህዩ ናይ ምግባይ ወክልይይት ደረጀት መዳርሱ፡፡ ሐድ 5 አልፍ ለገብእ ደረሳይ እንዴ ትከብተዩ ለአደርስ ህለዩ። እልን መዳርስ እልን ለበዘሐዩ እብ ጥውር አግቡይ ለትባባዩ እት ገብእ ሐዳት ላኪን ዲብ ዳሳት ለአደርስ ለሀለዩ ተን። መትመዳድ ናይለ መዳርስ እት ክለን እዳራት ደዋሐ በጽሕ ህለ። እል መዳርስ ብኩይ ዲብ ለሀለ ወእዳራት ደዋሐ እሱስ እቲ ለሀለ ለበዘሐዩ ባክ ሕድ ተ። ዲብ ከረ ርብዳ ወፈደዳብ ላኪን ለሸዑብ ልሰዕ ለኢትክምከመ ሰበት ተ። አጀኒት ምን አርድ ረዩም እንዴ መጽአው ቶም ለደርሱ። ደረጀት መሻረከት ህዩ ምን ሰነት ዲብ ሰነት ዲብ ዘይድ እትለ ሰነት እል እብ 10 ምእታይ ዐቦት እርኢት

ሙደርስ ህለው። ምናተ ለበዘሐ መዳርስ ናይ እል ምዳርየት እብ ሂገ ዐረብ ወትግራ ሰበት ለአደርሱ፡፡ መቅደረት ናይ እል ሀገጊት እል ለቦም ሙደርሱን እግል ልትረከብ ልሰዕ ኢትቀደራኒ፡፡ ልብል ሙደርስ ዑሰማን። እብ ደረጀት አቅሊም ወምዳርየት ህዩ እግል ሐዳይሰ ሙደርሱን ሐብሬ አግቡይ አድረሱት ልትህዩብ ከምስልሁ መ እብ ደረጀት ወጠን መቅደረት ሙደርሱን እግል አትሓዳሰ ዲብ ገብእ ተእሂላት ለልኡካም ክም ህለው አብረህ።

ዕላቀት ዋልዴን ደረሰ ወመድረሰት እት ሸርሕ ህዩ አሰይድ ዑሰማን፡፡ ክል መድረሰት ለጅነት ዋልዴን ወሙደርሱን ቡ። እብ ገበዮም ህዩ ምስል ሸዑብ እት ትትዋጃህ ተሀድግ።



ሸብህ መዳንት ፎርቶ ሳዋ

ምስል እል ለደረሰ ዘይድ እግል ልትኖዮት እብ ሕኩመት ዲብ እል ረዩም ባካት ለሀለ 10 መዳርሱ፡፡ ክል ደረሳይ ወጅቡት ቅዛእ ለረክብ እቡ በርናምጅ እንዴ ትዝመ ልትሸቁቡ ህለ። ከምስልሁ መሻረከት አዋልድ አንሳት ዘይድ እግል ተሀሌ ምስል ዲብ ገሌ መዳርስ ልትርኢ ለዐለ ኢመሻረከት እንዴ ትረኢ እብሰላዴ ውበዕድ ለሰጅዐን መትኖዮቲ ክም ልትህዩበመ ለገብእ ህለ። እል ህዩ እግል ለየዐለ መሻረከተን፡፡ እትሊ ወክድ እል ዲብ 35 ምእታይት እብጽሐ ህለ። እብ ደረጀት ደረጀቱ ዶል ልትርኢ ህዩ ዲብ ረውዳት ወመአንብታይት ብዙሕ ምንግቱ ዲብ ምግባይ እንዴ ነቅሰ ገይሰ ወዲብ ካልኣይ

እንዴ ዐቤ ገይሰ ህለ። ክመ ለአትሐዜ እግል ልግበእ ህዩ እምበል ሕላሌ ክድመት ለትሐዜ ክም ህለ አሰይድ ዑሰማን ለሐብር። ምስል እል ለልትርኢ ናይ መዳርስ መአንብታይት ደረጀት አስክ ምግባይት ደረጀት ወቀሎት ተ። እል ህዩ ለዐለዩ መዳርስ ደረሳህን ዲብ 6ይ ፈሰል ክም ሐልፈው፡፡ መድረሰት እንዴ ሰእነው አው እንዴ ሬመት ምናም እግል ኢልብጠር ወለ እግል ሐቲ ፈሰል እንዴ ትበሀለ ናይ ምግባይ ደረጀት ክም ለአንብቶ ወዱ ህለው። ለልኡሰፍ ላኪን ናይ መዳርስ ኢረኪብ እንዴ ኢገብእ አትካራም ናይ ደረሳቱ። እል እብ ብዘሐ ለልትርኢ ሰበትቲ

ነቲጀት ናይ እል ለሐልፊ ወክድ ሄራር ተዕሊም ዶል እንርኢ፡፡ ውላድ እል ምዳርየት ምን ክለን ለመዳርስ ምንመ ኢልትብሀል ሐድ ሐድ ደረጀት ሙደርሱን ወሐካይም እንዴ በጽሐው እት ክድመት ዐዶም ወወጠኖም ፍሩራም ለሀለው ክም መሰል ለልትረኢው ሸባባት ህለው። ዲብ ሙስተቅበል ህዩ ዘይድ እግል አፍረየት ጅህድ ገብእ ህለ። ክም ተቅዩም ህዩ ፈሀም ደረሰ እትሊ ወክድ እል እብ ደረጀት ሐሊፍ ዶል ልትርኢ፡፡ 85 ምእታይት፡፡ እት መአንብታይት ደረጀት፡፡ 82 ምእታይት፡፡ እት ምግባይት ደረጀት፡፡ 79 ምእታይት፡፡ እት ካልኣይት ደረጀት ባጽሕ ህለ። 12 ፈሰል እግል ልደረሶ ወክድመት ወጠኖም እግል ለሀሶ አስክ ሳው



አሰይድ ዑሰማን እድረስ መሐመድ

ደዋሐ ፎርቶ-ሳው ወሐቲ እንክር ምናጋር ጸሓይ ናይ ፎርቶ ዲቡ እንዴ ተአሰሰዩ ለአደርስ ህለዩ። እሎም ዲብ እል ለደርሶ ምን ዕምር 9 ሰነት ወለዐል ቶም። ለመሻረከት ክመ ተአትሐዜ ምንመ ኢህሌት፡፡ አስክ ሐድ 151 ለገብእ ደረሳይ እንዴ ትከብተዩ አድረሰዩ። ብዕድ ምህር እግል ዐባይቲ፡፡ ዲብ እል ምዳርየት 23 ንቅጠት እንዴ ትከብተዩ ለበዘሐዩ አዋልድ አንሳት ለክምክም ሐድ 828 ደረሳይ ለአደርሱ። እል ህዩ ምስል ለሐልፊ ሰኖታት ዶል ልትርኢ ዲብ እል ወክድ እል እት ልውሕድ ገይሰ ህለ። ለሰብ ህዩ ሐቲ ሳልሳይ ፈሰል ክም በጽሐው ሰበት በጥር፡፡ ምስል ሸቅል እትካራም ሰበት ሳድፍ ወዲብ ናይ ርቱብ ተዕሊም ለደርስ እንዴ በዘሕ ሰበት መጽኢ ተ። ለናይ ሳልሳይ ፈሰል እንዴ በጽሐክ ብጥረት ምን ሐዲስ ዲብ ቅዩት እግል ኢለአቅብሎ ናይ ቅራኑት ለመድ ለጠውርቡ አግቡይ እግል ለሀሌ ክም ጀርቤ ለትገብእ መክተቡት ዲብ ባካት ናይ ተመራት እንዴ ትከብተት፡፡ ሸዑብ እግል ልትካፊዕ ምን ለገብአት ዐለት። መንፈዕት ላኪን ብዙሕ ሰበት ኢገብእ ክድመት እግል ተሀብ ኢቀድረት፡፡ እንዴ ትብል ህዩ መትደበእ ገንሐዩ።

እት አክር ለሀለ መታክል ተዕሊም ምዳርየት ፎርቶ-ሳው እት ሸርሕ ሙደርስ ዑሰማን፡፡ ለዐባ እብ ንዘም አግቡይ ካሬ ተእሂል ለረክበ ሙደርስ ናይ ርክበት ተ። ካልኣይ መዳርስ ዲብ ረዩም ባካት ሰበት ህለዩ፡፡ ዲቡ እንዴ ጌሰ እግል ለአደርሱ፡፡ ምስል ለሀለ ናይ መዋሰላት መሻክል ሸቅሎ ወለሳድፋ መታክል ወእግል ተአብጽሐ እቲ ለወጅብ አክትብት ውበዕድ ከደማት እት ወክዱ እግል ተአብጽሕ እቲ ለኢልትቀደር ሰበት ገብእ፡፡ እል ክም መታክል እግል ልትሸራሕ ቀድር። እምበል እል ሸዑብ እል ምዳርየት ፈሀመ እት ተዕሊም እግል ለባይ፡፡ እግልሚ እትሊ ዘበን እል ለኢትዐለመ ሙዋጥን ሐበት እግል ለአግዴ ሰበት ኢቀድር፡፡ ሕኩመት ኤራትሮፕ መናፍዕ ተዕሊም ዲቡ እንዴ ጨቅጠት ሙዋጥን እምበል ድፍዕየት እግል ልድረሰ ወድዩ ለሀሌት ካድም ምን እግል ልክሰሶ እትፋኔ ልብል።



መድረሰት 2ይ ደረጀት ሸሂድ ዑብደለ መሐመድ ፊይድ

ህሌት። እግል እልን መዳርስ ለገብእ አክትብት እብ ሕኩመት ለመጽኢ ካሬቲ ለሀለ። ብዘሐ ሙደርሱን መ ካሬቲ ለሀለ ሐድ 172

ደረጀት ህዩ ሰኒ ልውሕድ። እብ ደረጀት አቅሊም ህዩ እብ ርቱብ ክል ሰነት ቀደም አንብቶት መዳርስ ተዕሊም እብ ለትቀንጽ ለጅነት ህሌት። እግልሚ ለሸዑብ

ምስል እዳራት፡፡ ዴሽ ደዋሐ ወልጃን ሸዑብ እት ልትፋህጥ፡፡ እግል አሰነዮቲ እምበል ሕላሌ ልትክደም ምንመ ህለ ልሰዕ በጥር ለኢህለ ጋርቲ።

ለልትለክት ዲብ ሐልፊ ወክድ እብ ሐድ ዐድድ ለልትባባሶ ምንመ ዐለው፡፡ ለሐልፊት ሰነት 2023 ሰነት 95 ደረሳይ ወዲብ ሰነት 2024 ህዩ 128 ደረሳይ ጋይላም ህለው። እሎም ዲብ ቦርዲን አዳርሰር ወቦርዲን ፎርቶ ደርሶ ለዐለው ደረሰ ለጌሰው ቶም። ቦርዲናት ናይ እል ምዳርየት ደረሳይ ምስካቡ፡፡ ነብራሁ ወመድረሰቱ ለገብእ ተካሊፍ እብ ሕኩመት ለትፈግር ሚዛንዮት ለልትጋየሳ ተን። ደረሰ ናይ መዳርስ እል ምዳርየት መትጃግረት እግል ልግብእ ለገብእ ነጃግት እት ክሉ መዳርስ እብ ሐድ ለገብእ ነጃግት ምንመ ለሀሌ፡፡ ዘይድ ላኪን ዲብ ናይ ካልኣይ ደረጀት መዳርስ ፎርቶ ወአዳርሰር ለገብእ ተ። ለናይ ፎርቶ ካልኣይት ደረጀት መድረሰት እብ ደረጀት አቅሊም እንዴ ኢተርፍ ዲብ ርያደት፡፡ ዓዳት ከምስልሁ ዲብ ቂሾት ተዕሊም ናይ መሀረጃን አቅሊም ለልትቀደም እቲ እንዴ ሻረከት ነቲጀት ሰኔት እምጽእት ተ። እል ምን አንድዮት መዳርስ ለልትባባሰ ወዲብ አንድዮት ለትዐወተው ህዩ ዘይድ መጃግረት እግል ልግብእ እብ ደረጀት አቅሊም ዲብ ገብእ ጅግረ እግል ልሻርኮ ክም ልትለክት ሰበት ገብእ ተ። እትሊ ምዳርየት እግል ዕምር ተዕሊም ለሐልፊዮም ደረሰ ለልኡደርስ 4 መዳርስ ዐርዮ ህለዩ። ሐቲ ዲብ ሞሎሽር፡፡ ክልኤ ዲብ



ካቲት - እስትዕማር

ካይሳም ወካይሳት ቁርኣት ዲበ ሐልፈ ኣውካድ ታሪኽ ንዓል ሸቦብ ኤራትርያ እግል ልትወሰቅ፡ እበ ገብእ ጸገም ተጃርብ ንዓል ድድ እስትዕማር ለለካኪ ኣክትብት ብዘቲሕ ትኩተቡ፡ ምር ምን እሊ ኣክትብት እሊ ህዩ ለናይ ደንገበ ሐርብ ተሕሪር ለክሰሰ ካቲት ለልብል ክታብ ቲ። ዲብ እሊ ክታብ እሊ ብዘቲሕ ለለትዕጅብ ወለለት-ሐብን ቅሰሰ ክቲብ ህለ። ቀደመ ቅሰሰ ላኪን ኸልፍየት ናይለ ናይ ካቲት ሐርብ ሚ መሰል ዐለ፡ መርሐላት እብ መርሐላቲ እግል ንርኤቲ ከእግል ዮም 4ይ ክፈል

“ዘመቶ ደም ምላሽ”
ንዛም ደርግ ዲብል ኣወላይ ህጅሙ ለኤተዮ ስታቲባት እግል ልጽብዎ ምንመ ኢቀድረ፡ ዲብ ጀብህት ሸቦብየት ኣሰክ ደማናይት ወድገለባይት ጀብህት ሰበት ኣፍየሐ፡ ለምግባይት ጀብህት (ኣግደ ከዋ ኣሰመረ ባጽዕ) ራቀት ህሌት ለልብል ጌም ነሰኢ። እብሊ ህዩ እብ ምግብ እንዴ በክኣክ ደንገሎ እግል ትጽብዎ ልትቀደር ለልብል ፍክር በይኣይ። ሐቆላ ሳልፋይ ህጅም ሳምን እተ ኢትገብእ መደት ህዩ ቅወቲ እንዴ ኣደቀበ እግል ተራረ ክፈል- ሞር 18 ወሰንዋቅ መክናይዘድ ብርጌድ 16 እንዴ ኣትብገሰ ዲብ ዮም 7 ማርስ ጽብሕ ምድር ሳዕት 4:00 ቀዝፍ ድቁብ ክቡድ ሰለሕ እንዴ ኣምበተ፡ ክፈል-ዲብ 85 ሻፍፍ እቲ ለዐለ ሰዋትር እግል ልሰበር ትብገሰ፡ ብርጌዳት ክፈል- ዲብ 85፡ ብርጌድ 22 እት ምግብ ጽርግዮ፡ 18 ዲብ ደብር ገሓዶት፡ 82 ዲብ ሕሊል ማይ ኣድከምም ወምኑ እንክር ድገለብ ለህለ ኣድብር ሻፋት ዐለዮ፡ ምን ጽርግዮ እንክር ድማን ሐመልማል ህዩ ውሕዳት ክፈል ዲብ 61 ጸብግት ዐለዮ።

ሰታት ዘመቶ ደም ምላሽ፡ ክፈል ዲብ 18 እብ ታመት ሐለቲ እግል ደብር ገሓዶት ወምኑ እንክር ቅብለት ምፍጋር ጸሓይ ለህለ ሰዋትር እንዴ ሰብረ ኣሰክ ደንገሎ እግል ልሸቡብ መክናይዘድ ብርጌድ 16 እብ ምግብ ጽርግዮ እንዴ በክኣ፡ ለምሳሌ ሻፋም ለህለው ኣግር ዲብ እብ ሰለሕ ክቡድ ዲብ ሰዴ ኣሰክ ደንገሎ ተሓት ለህለ ምህም ኣካናት እግል ልጽብዎ ለኣመመ ዐለ። ዲብ ሸቦብ እበ



ወደዩ መካፊሐት ትርድት ላኪን፡ እሊ እግል ክልኤ ምዕል ለኣተላለ ሐርብ፡ መሃሙ እንዴ ኢለኣገዴ ፈሸለ። ዲብ እሊ ሸፍ እሊ፡ ኣባይ ቀዝፍ ትሩድ ናይ መዳፊዕ ደባብ ውብዘሐ ዴቭ እንዴ ትነፈዕ፡ ዲብ ሰር ገሌ ለኣሸክት ወኣካናት ጸብዎ ዐለ። ምናተ ዴቭ ሸቦብ፡ ለሰታት እንዴ ፈህመ ብሰር እንዴ በደለ እግል ለኣሸክት ለዐለ ዴቭ ኣባይ ወደባባቲ ኣሰክ ከርስ እንዴ ሰሐበ እንዴ ከርደን እግል ልምሰሱ ጀርብ ሰበት ዐለ ወኣባይመ እሊ በሰር እሊ ሰበት ፈህመ ወፈርህ፡ ጃሹ ገጽ ግረ እንዴ ሰሐበ እት መዳፍዕት እግል ልትሐደድ ትቀሰቡ።

ቀዝፍ መካሪዩ ጥያራት ኣሰመረ
ዲብ ጀብህት ግንደዕ ደመውየት መጃገሪት ዲብላ ትገብእ እቲ ለዐለት ወክድ፡ ዲብ ኤራትርያ ለዐለ ካልኣይ ኣብዮታይ ዴቭ ሴፋሁ ወሰልሐ ክምሰልሁመ ለመጽኡ ፊድኣይ ዴቭ ለረክብ እበ ሐቲ ገበይ ከዋ መካሪዩ ጥያራት ኣሰመረ ዐለ። እብሊ ህዩ ጀብህት ሸቦብየት እግል መካሪዩ ጥያራት ኣሰመረ ህድፍ እግል ቲደዩ ላዝም ዐለ። ድራሰት ሐጫር ሐቆላ ገብኣት ህዩ፡ ምን ኣሰክ እሊ ጽብዋት ለዐለት ጀብህት ግንደዕ እብ 130 ሚሊ ሜተር መዳፍዕ፡ እግል መረከዩ ጥያራት ኣሰመረ እግል ተዐሬ እቡ ክምሰል ትቀድር ኣከደት። ዲብ ዮም 17 ማርስ 1990 ህዩ፡ ዲብ ማይሸር መዳፊዕ እንዴ ተክለ፡ ምን ሳዕት 4:20 ኣሰክ ሳዕት 6:25 ኣምሱይ እግል ሰልፍ መረት ኣሰክ መካሪዩ ጥያራት ኣሰመረ 80 ቅምብለት መዳፊዕ ኣዝለመት። እሊ ናይ ጀርቤ ቀናብል ዲብ ሰሶዕ ደዋዬሕ ኣሰመረ በህለት፡ ግረ እስብዳልየት ዐሰከርየት ገጀረት፡ ፎርብየት፡ መዐሰከር ሰምበል፡ ጸጸራት፡ ገዙ ከኒሽ፡ ባካት ሄለል ሰብተምበር ወመካሪዩ ጥያራት ኣሰመረ ትካረ።

እሊ ሐደሰ እሊ እግል ኣባይ እት ርዕብ ትሩድ ካረዩ። ዲብ ኣሰመረ ቀናብል እግል ልትካሬ ክምሰል ኣምበተ፡ ዲብ ከርስ መዳኒት ለዐለው ዐሳክር እት ርዕብ ኩሩዮም እት እንቶም ኣሰክ መዐሳክርም እግል ልትሳሰዐው ኣምበተው። ኣንፋር ዴቭ ድህንነት ደርግ ህዩ፡ ቀናብል ለወድቅ እቲ

ኣካናት እግል ልብጸሕ ለቀድር መዳፊዕ ኣባይ ህዩ ኣሰከ እግል ልትወጀህ ትእዛዝ ተህየቡ። ምናተ፡ እግል ቀዝፍ መዳፊዕ ዴቭ ሸቦብ እግል ልክፍ-ዑም ኢቀድረው። ኣሰክ ፈርወንተር እስትቅላል ህዩ ኣተላለ።

እሊ ክእን እት እንቲ፡ ዲብ ዮም 26 ማርስ 1990 ዲብ ጀህት ግንደዕ ድግደግተ ወገሕቴላይ እግል ልዝበጠ ምን ትፈረረየ ክልኤ ጥያሪት ሐርብ ኣባይ፡ ሐቲ ሚግ 21 እብ ምዳድ ጥያራት ጀብህት ሸቦብየት እንዴ ትዘበጠት ዲብ ዐድ-ዕሌ ትወድቅ እት ህሌት፡ ሰዋገ ለዐለ ናይብ ትልንቴ ኣባይነህ ህይሉ ትጸበጠ።


ድዋራት፡ ‘ኣሰተኳሽ’ በህለት (መሐብረት ዘብዎ ናይ ሸቦብየት) ህለው ዲብ ልብሎ ሸክ ለወደው እቶም መደኒዩን እግል ልእሰር ኣምበተው። ውቁል ሮሻናት ወክናይሱ፡ መሐብረት ሕብዓም እቲ እግል ኢላህሉ ሰበት ፈርህው እንዴ ከርደነው ፈተሸው። እሊ ናይ ሰልፍ ኣምዕል ቀዝፍ እግል ሸቦብ ኣሰመራመ ሸብህ ምንመ ኣብህጃዩ ዲብላ ተለ ኣምዒላት ላኪን ሸቦብ ለምደዩ ሌጠ እንዴ ኢገብእ ክምሰል ብሸራት ሸኢግ ኣምዕል እስትቅላል ሰበት ረኣዩ እብ ቃብል እሊ ደህዩ እት ለኣሰሚዕ እግል ልትረመጭ ኣምበተ።

ቃደት ዴቭ ደርግ፡ ኣሰክለ ጸብረወ ባጽዕ እግል ለኣቅብሎ ናይ ሞት ወሐዮት ሐርብ ዲብ ወዳ፡ ቀዝፍ መዳፊዕ ወሰክ ሕማም ረኣሰ ገብእ እቶም። ኣሰክ ኣሰመረ ዘብዎ ለዐለ መዳፊዕ እግል ልደምር ህዩ ትሉሉይ ናይ ጥያራት ወኣግር ወራታት ሰለለ ወታዮናት እግል ለደው ኣምበተው። ጥያራት እብ ትሉሉይ ዲብ ለዐሰሰ ለመዳፊዕ እትላ ዘብዎ እቲ ወክድ እንዴ ታብዐዩ እግል ለሃጅማሁ፡ ረዩም



እንዴ ትብገሰ ምህም ኣካናት እግል ልሕነቅ መሃም ተህየቡ። ጀብህት ሸቦብየት እግል እሊ ፋይሕ ህጅም ኣባይ፡ ለእብ መቅደረት ኣምም ወጽዋር እንዴ ኣደቀበ መዳሊት ዛይድ ዋዲ ለዐለ ውሕዳት ዴቭ ሸቦብ፡ ለለት-ሐዝዩ ሰለሕ ወመፈጀራት እንዴ ዳለ እሉ ለወራር እግል ኣፍሸሎት ዲብ መዳሊት ትሩድ ዐለ። ኣባይ ዝደደት እህትማም ለህበዩ ባካት፡ ምን ከዋ ግንደዕ-ደንገሎ እንክር ድገለብ እግል ልግበእ ክምሰል ቀድር ሰበት ትጌመመ ህዩ፡ ምር ብርጌድ ናይ ክፈል-ዲብ 52 ዲብላ ባካት ክምሰል ጸንሕ ገብኢ። ዲብላ ጀብህት እብ ትሉሉይ ልትሓረብ ለዐለየ ውሕዳት መቅደረት ኣምም ዲብ ገምም ገይሰ ሰበት ዐለ። ሐዳይሰ ናይ '90 ለናደለው እንዴ ትወሰከው ምን ሐዲስ እብ መትዛም ክምሰል ልደቀብ ገብኢ። ሰዋትር መሻፈፈት ወሕጌ ዲብ ልትነደቅ ብዝሐ ረሻሻት ወምርታራት ክምሰልሁመ ድድ ሰብ ኣልቃም እንዴ ትሸገረ ዳለ።

ኣባይ ዲብ ዮም 29 ማርስ ሳዕት 4:00 ጽብሕ ምድር



ፊራር ፋይሕ ኣትብገሰ። እብ ኣሳሰ ሰታት ህጅም ኣባይ፡ ለእብ መቅደረት ኣምም ወሰለሕ እንዴ ደቀበ መዳሊት ትሩድ ዋዲ ለዐለ ክፈል-ሞር 18 እንዴ በክኣ ክምሰል ሐልፈ፡ ቅዋት ዲብ ትወሰክ እብ ምግባይት ጀብህት እግል ሰበር፡ ቀደመ እት ሐርብ እንዴ ኢለኣቲ ለጸንሐ ክፈል- ሞር 23 ምን ጀብህት ከረን እንዴ ሰሐበ ኣምጸኣዩ። ምሰል እሊ ኣግደ ህጅም እንዴ ትጸበጠ ህዩ፡ እብ ሰሚናዊ ባሕሪ 10ይ ክፍለ-ሞር፡ ናይ ሐማሴን ሚሊሽ ሸንጋይ እንዴ ወሰክ ምን ፍሸይ



ለኣመበተዩ ህጅም፡ እብ ድቁብ ቀዝፍ መዳፊዕ፡ ሞርታራት ጥያራት እንዴ ኣተለ ኣምዕል እብ ግዳይ ኣተላለ። ዲብ እሊ ህጅም እሊ ኣባይ እት ሰር ገሌ ኣካናት እሸኩት ምንመ ዐለ፡ ውሕዳት ዴቭ ሸቦብ እብሊ እንዴ ኢልትገሰዩ ምን ሰዋትረን እንዴ ኢልሸንከዩ፡ እግል እንዴ ኣሸኩተ ለኣተ ዴቭ ኣባይ እብ ድቁብ ቀዝፍ ሞርታራት ክምሰል ልትፈንጠር ወደዮህ።

እብ ጀህት ሰሚናዊ ባሕሪ ምን ፍሸይ ለትብገሰ 10ይ ክፍለ- ሞርመ፡ እግል ብርጌድ 91 ናይ ክፈል-ዲብ 96 እንዴ ሃጀመ፡ ጽርግዮ እግል ልድበእ በራጊዱ ዲብ ባድል ድቁብ ሸፍ ኣተላለ። እሊ ክፍለ-ሞር እሊ ገሌ ኣካናት እግል ልጽብዎ ቃድር ምንመ ዐለ፡ እብ ህጅም ምዳድ እንዴ ትጸፈዐ ህደፋ እንዴ ኢለኣመርዴ ኣቅበለ። ፈጅራተ ለድፊዕ ክምሰል ትሰበረ ገጽ ቀደም እግል ልትወርወር እንዴ ትበህለ ዱሉይ ለዐለ ክፍለ- ሞር 23፡ ለ “መትወርዋር” እንዴ ተርፈ እግል ክፍለ-ሞር 18 እንዴ በደለ ዲብላ ሐርብ ክምሰል ልጸመድ ገብኢ። ኣባይ፡ ህጅማቲ፡ ድማን ወድገለብ ዲብ ባድል፡ ምን ናይ ቀደመ ኣምዕል ቀዝፍ መዳፊዕ እንዴ ኣደቀበ ጨቅዎ እት ወዴ ምንመ ወዐለ፡ ክሉ ረኣሱ እግል ልትሰርገል ላተ ኢቀድረ።

ሐቆ እሊ ድቁብ ሸፍ እሊ፡ ዲብ ዮም 31 ማርስ 1990፡ ጀብህት ግንደዕ ሸብህ ሃድኣት ወዐለት። ኣባይመ ፈጅራተ ህጅሙ እግል ለኣተላላ ምን ሐዲስ እት ልትነዝም ወዐለ። ሄለል ወሬሕ ኣፕሪል ህዩ ሐርብ እብ ደቅብ ቀዝፍ እንዴ ተለ ኣምበተ። ኣግር ዴቭ እግል ሰድየት ለትመቅረሐ ዘብዎ መዳፊዕ፡ ሞርታራት ወምርታራት ክምሰል ጌዘር ዘልመ። ኣባይ እብ ሐቲ ጨባብ ኣካን ሌግቲ ለትፈረረ። ክሉ ሰልሐ ምን ምር ኪሉሚተር ዲብላ ኢፊይሕ ባካት እግል ልርጀም እቡ ኣምበተ። መብዘሐ ዲብ ሰዋትር ወመውዐሊ ዴቭ ሸቦብ ዘብዎ ሰበት ዐለ፡ እሊ ናይ ዮም 1 ኣፕሪል ቀዝፍ መዳፊዕ ለሰበዩ ክሳር ምን ቀደመ ለዐለ ሸብህ ለኩብደት ዐለት። ምናተ ለሐርብ እብ ዐውቲ ዴቭ ሸቦብ፡ ወእብ ፈሸል ሰታት ኣባይ ተ።



ምዴርየት ጋሽ ለዓል ወሃራር ዐቦት አንሳት

ሰሐፊ ሳልሐ ገመ እት ምዴርየት ጋሽ ለዓል እብ ሸቅል ሕሩክ ዲብ እንቱ ምስል ስክራይት ወግልየት መሕበር ወጠን አዋልድ አንሳት ኤራትርየ ፈሬዕ ምዴርየት ጋሽ-ለዓል አሰይደ ርግኣት ዳኘው ኪዳኔ መቃብላት ወደ። ህተ፡ እት ሰነት 1982 እት ከሰለ ትወለደት፡ ዲቡ አሰክ ራብዓይ ፈሰል ክም ደርሰት ዐደ አቅብላት ወዲቡ አሰክ ዓሰራይ በጽሐት፡ ደኣም እት 1998 ወራር ወያኔ ክም ቀንጻ ምን መድረሰት በጥረት ወዐየለት። መንበረተ እት ትሳይር መሕበር እት ምዴርየት መሰሉለት እግል ልዩምም ክም ሐዘ፡ ክሱ ናይ ምህር ወሳይቀ አቅረበት ወእግላ መዝ ባቅዐት ተ ምን ትብህለት፡ እት 2016 ሸቅል አንበተት። ወራት መሕበር እት ምዴርየት ሚ ክም መሰል ህዩ እግል ሳሌሕ ሻርሐት እሉ ህሌት። ጽበጥ ናይሉ መቃብላትም ክእነ ተሌ ቱ።

ምዴርየት ጋሽ-ለዓል ስሰ ቀምዶት ወሐቲ ጃልየት ህውሰ ለትብራህ ሐቲ ምን ምዴርየት አቅሊም ጋሽ በርካተ። እትለ ምዴርየት 24 እዳራት ደዋሐ ወ89 ዐዶታት ህለዩ። ለመሕበር ህዩ እት ክለን ለዐዶታት እብ ዓመት ብዘሓት ንዘማት ምንመ ረክብ፡ እት መሕበር እንዴ ትክምከመየ ሸህርየተን ለደፈዐ 9731 ተን። ለተርቲብ ምን ሐሽም- ሕምስ እንዴ አንበትክ እት መጅሙዐት፡ ፈሬዕ ንኡሹ፡ ፈሬዕ እት ልብል፡ ክል ደረጃት እም መንበር፡ ሰክራይት ወአሚነት ማል ብእተ። እግል ክለን ዲብ ሐቲ ለትክምክም ለጅነት ዐባይ(ቦርድ) እግል ትትአሰሰ ህዩ መትዳላይ ገብእ ህለ። ምን 89 ዐድ ለ11 ቀርየት አሰክ እለ እግል ልትዝመ ኢቀድረዩ፡ ለአግደ ሰብብ ህዩ ሪም ምድር ወኢረኪብ መዋሰላት ቱ። ደኣም ምን ኢትዝመየ ፋዝዓት ኢትን እግል ልትብህል ኢልትቀደር፡ ገሌ ቅደይ ክም ሳድፈን ምክር እት ለሐዘዩ እት መክተብ መሕበር መጻኢ ህለዩ። ለመሕበር “ቀራር ፍርድ እት እዳህ ኢትን ሐብሬ ሌጣቲ ለሀይብ ክም እንብለን ለሐብሬ እግል ናሰ ዐባይተ ማሚ እት ልብለ ለሐምደ” ትብል አሰይደ ርግኣት ዳኘው። ህግያህ ዲብ ተአተላሌ፡ “ ምን ኢትዝመየመ ሐቲ ቃውያት ኢትን፡ ከረ ጆርበት ለልትብህል ቀርየት እት መደት ሰውረት መዐሰከር ተድራብ ጅብህት ሸብየት መወዳርሰ ሸዕቢ ፍቱሕ እቲ ለዐለ ደዋሐ ምንገብእ፡ መትዳም ወመክሰቡ ሰኒ ለአምራሁ፡ እንዴ ትዝመየ ሸህርየተን ደፈዕ ለይህለዩ ህዩ ለዐዶታት መካይን ሰበት ኢለአትዮ ወእምበል መዋሰላት ብጽሐቲ ሰዱድ ምንገብእ ሌጣቲ። እብ ምዕሉ ህዩ እግል ልትበጸሕ ቱ” ወሰከት።

እት መሕበር መትዳም ዝያድ ክሉ ፈዛዐት አንሳት ቱ ለወቅል። እንዴ ፈዝዐየ ወእብ ዕልም አፍካረን እንዴ ጠወረየ ዓዳት ዳራይ እግል ልሰረት ሰህም ዐቢ ለህሌ እለን። አማንተ በይነን እንዴ ትጻገመየ ሰርገል እግል ልርክበ ኢቀድረ፡ አግደ ሰብ ሸርከተን ህዩ መሕበር ወጠን ሸባብ ወደረሰ ኤራትርየ፡ ክምሰልሁመ ውዛረት ዓፍየት፡ ውዛረት ዐመል ወደማነት እጅትማዕየት ቶም። እሎም ሕድ

እንዴ ሰደው፡ ለገብእ እግል አንሳት ወውላደን ለደርር ወለለክቁ፡ ክሸቦ ልግበእ፡ ህዳይ ተሐት ዕምር፡ ከሊእ ዐንቀር፡ ታካሰ ወሃለቦት እግል ልትረፍ እብ ሕበር ተዕቢኣት ወዳ።

ዓፍየት እም ወውላደ ህዩ ዐቢ እህትማም ልትህየብ። አንሳይት ቀደም ዕምሰናህ ዓፍየተ እግል ተአምር መርመረ እግል ቲዳ፡ ዐምሳት አሰክ ውልደተ ሰማን ዶል እግል ትትክሸፍ፡ ወዶል ወሊድ እት ሐንቲ ሐኪም ሌጠ እግል ትውለድ ክም ቤ ደርሰ ልትህየብ። እት ዐመልመ ለአውዕላሁ ህለዩ፡ ርግኣት ሐቲ ለተአሰፊ፡ ሰብለ ብሩር ረዩም መዋሰላት አለበን ወዕያደት ሰበት ትረይመን ዲብ ውልደት ካጥረ ህለዩ። እለ እግል ኢትምጻእ መሕበር ምስል ውዛረት ዓፍየት ውብዕዳም ሰብሸርከት፡ ወምስል ገቢሉ እንዴ ትሳደ እት ዕያዳት መጸበሪ ዐመሰ ለገብእ



አብያት አንደቀ። መዓወንተ አግርበት፡ ሸርፍ ወልባሰ ህዩ እግል ለአዳሌ ልትጻገም። ምናተ እለ ዱሉይ ህላመ ክለን ልትፈዐ እቡ ህለየ እግል እግል ልትብህል ኢልትቀደር፡ አጅኒት ወዳር እት ለሐድጋሁ ኢረክብ፡ ክም ትደየረየ እብ ርዳእ-ርዳእ ዲብ ለአመጽእውን ህዩ መዋሰላት ኢልትረከብ። አሰይደ ርግኣት ምን መዋሰላት ዲብ ትጠሬዕ ትብል፡ “ምን ጀህት መዋሰላት እኩይ ወኢሰኒ ህሌ፡ ምን እብ ኮሮን በጥረያተ ነወል መላዋ ገብእ ወኢረኪቡመ ህለ፡ ምን እለ አሰክ ባርንቲ 100 ነቅፈ እንደፈዕ። አተብሳትመ ኢትን እብ በካሲቲ፡ እት ለዐል 20-30 ነፈር እንዴ ትጸዕነው እብ ተነፍሰ ኢሕማምክ

እንዴ ረፍዐክ ትመጽእ።”

ምን ዓፍየት እብ ኢልትፈንቲ ተዕሊምመ እብ እህትማም ዐቢቲ ለልትረኤ። ንሳት ግረ እግል ኢልትረፈ ጅህድ ትሩድ ገብእ። እም ሐቆ ኢደርሰት ዓይለት ምን ዕልም ግረ ሰበት ተርፍ ለገብእት አንሳይት ምን ተሐምቅ ሓምስ ፈሰል እግል ተአትምም ጅህድ ገብእ። እት ምዴርየት ሐድ 30 ለገብእ ንቀጥ ምህር እግል ዐባዩ ህለዩ።

እት ማርሒት ህለዩት እግል ናሱ መቅየሰ ፈዛዐት ውተረት አንሳት ሰበት ለአርኤ፡ አንሳት እት ሰልጠት እግል ልምጻእ መሕበር ክም አግደ ዳዩ እንዴ ረኦ ክም ከድም አሰይደ ርግኣት ተአክድ። “ወሐምቃት ኢህለዩ ዲብ ሕርያናት ማርሒት እዳራት ደዋሐ ሐርየ ወልትሐረየ ህለዩ” ትብ።

እት ተዕሊም ለአርእያሁ ለህለየ ዐውቲ አክለ ክልን ነሐዘዩ ባዴሕ ምንመ ኢህሌ፡ ቅዱማት ህለዩ። “ቀደም አዜ መደርሲን፡ ሐካይም ውብዕዳም ሰብምህናት ምን አሰመረ እንዴ ትየመመውቲ ከድመነ ለዐለው። ዮም አሰክ እት ማትሪክ አርበዕ ንቅጠት ለአምጻእየ ከኩልያት ለአተየ ብዘ። መደርሳት ወሐካይም ብዘ። እት መዳርሰ እንዴ ገሰነ ለእንወድዩ ተዕቢኣት ፍሬ ለህይብ ክም ህለ ህዩ እንርእዩ ህሌ። እለ ንዕመት ኤራትርየ እንዴ ኬደው ሕዱድ ለልትዐደው እትሚ ክም ህለው መዐደይ ሕዱድ ወመደረቲ ለኸሰሰ መሓደራት

እምበል አትካራም ነህይብ” እት ትብል ተአፍህም ርግኣት። አንሳት መንበረተን እንዴ ሰኔት እት እቅትሳድ ወጠን ሰብ ናይ እግል ልግበእ ከዲም ምር ምን አህዳፍ መሕበርቲ፡ እትረኣሰለ ወቀይ መሕበር ሕኩመት ወጀብህት ወመሳኒት አንሳት ላቶም ዐባዩ ዐድመ ብዘሕ ሰዱ። መሓብር ገቢል እብ እንክርም ሸባብ ልግቡእ ወትንፈደራልየት ሸቃሌ፡ መእለመ፡ ፍዕሎ፡ ለጥም አሻም ወብዕድ እት አትሐያሰ መንበረት ለሰዴ ጥብብ ልምህር። ምን ብዘሕ ምህናት፡ ፍዕሎ ወአሻም እት መንበረተን ተቅዩር ሻፍግ ለአርኤ ለህላቲ፡ አገደ እንዴ ተመ እት ዕዳገ ሰበት ልትክሬ ወመትነፈዳይ እት ክል ምዕላይት መንበረቲ እግል ልትዓወን

እቡ ሰበት ለአትሐዘዩ፡ ልትዛቦዩ ምንን (ገይሰ እለን)። መሕበርመ ሰልፈት ለህይብ ሰበት ዐለ እንዴ ትሰለፈዩ እት ተጃረት ለትብገሰየ ህለዩ፡ ውዛረት ዐመል ወደማነት እጅትማዕየት እብ ህቡተንቲ ንዋይ ሰብ እንሱሰ እንዴ ገብእየ እት ዕዳገ ለከርየ ህለዩ። እብ ዓመት ዮም እሲት እዴ እናሰ ሌጠ ለተተቅብል እት መደት ኢትን። ምን ጃቢ አጅኒተ እት ተዕሊም ተአትብግሰ ወዓይለተ ተአትብር ህሌት። እትሰ ሰነት 2024 ህዩ እንሱሰ ደወርህ ለኸሰሰ ተአሂል ተህየብ። መሻክል ፈሰቲለ ለሳደፈየን ከእት መንፈሬረ እንዴ ትሳረየ ለመጽአየ ሰዳየት ለተትሐዘዩን ክልኤ እሲት ህዩ 7500 ነቅፈ ሰዳየት እብ አግሩሽ ክም ተህየብዩ። መሕበር ምስል ሙዲር ውብዕዳም ለከሰሰም እንዴ ገመ እት ነዕዮት እግል ልትብደል እለን ትዋፍቀ። ክሎም ምስል ዕዳገ ትከረው እብ ላለን ንዋይ በደለወ እለን። እግል ክልምነን ከዐሰ ጠሊት ተህየብዩ። እለን ግድዓት ለመሕበር ናሱ ታብዐን ወለነቅሰት ምንን እግል ለአትምም ወጥን። ህተንመ እብ እለ ረክቦየ ሰዳየት አጅኒተን ሐሊብ እንዴ ረክቦ ምን ሐር ምን ደሐኑ እት ዓያድ ክም አመተን እግል ዕያለን ሰድቀት እግል ልትረደ ወእንዴ አዝቦየ ጠሊብ እድንያህን እግል ለአትምም ምን ቀድረየ ብዘሕ ለሐምደ።

ለምዴርየት ምድር ሐርሱ፡ ንዋይ ውተጃረት ሰበት ገብእት አንሳት እትሊ መጃላት ዶረን ርኡይ ቱ። ሐን ሐርሰ ትራክተራት እት ልታክየ ውቀት ኢለሓልፈ፡ እብ ፍንቲይ አንሳት ኩነመ እብ አድገን ወገመለን ምድረን ናሰን ለሐርሱ። ብዕዳት ቀምዶትመ እለ እት ለምዳህ ገይሰ ህለዩ። ትዘክር አሰይደ ርግኣት “ምዕል ሐቲ እግል ሸቅል እብሊ ምድርላ ሐርሰ ጋይሰት ዲብ አነ ሐቲ እሲት ወልደ ገመል ዋሌ እለ ወህተ እርግናህ እንዴ ጸብጠት ተሐርሰ ረኤት። ሚቲ በይንኪ እትሊ ከደን አብሰ ምን ትፈረርኪ ክም እቤሌ፡ እናሰቲ ወእት ክድመት ህሌ፡ ህቲ ሐቆ ኢህለ ህዩ እግልሚ እንብይት ክእነ ምድርነ ነሐርሰ እክል ገርህትን እግል ንብለዕ ቴለኒ። ዘርኣት፡ ምስል አጅኒተ ሀረመት፡ በትከት ወሸርፍ ሰነተ አከበት፡ ምን ለተርፍ ህዩ እት ዓዳገ እንዴ ከሬት ተአዘቤ ምን ወቅድውተ ትወዳ።”

ሰብ ንዋይመ ናሰን ለአውዕሌ፡ ሐልበ ወለአሰትየ ወሰትየ። ለበዲር ዐለ እምናታት ዮም እት መግለል ልትዐለብ ህለ። እግልሚ፡ እሲት ኢትሐልብ እንዴ ትብህለ ንዋየንአጽረዐቲ ሐሊብ ሱዱዱ ዲብ እንቲ። ምን ንዋየን እት ሸፍሩ በይተ ዐለዩ። ዮም እት ንዋየን ናሰን ልትብገሰ ሌጠ እንዴ ኢገብእ ናሰን ለሐልቤ ህይብ ወልምሕጸ ህለዩ። “እደይ ወእገር ዲብ ብዬ፡ ንዋይ ናሼ ዲብ አውዕል እግልሚ እሲት ምንገብእኮ ሌጠ አጅኒቼ



አሰይደ ርግኣት ዳኘው

ምን ሐሊብ ንዋይ ልትሐረም!” ልብለ ገብእዩ።

ተጃረትመ ኢሐወነዩ ዲቤ ደካኪን እንዴ ፈትሐየ ናሰን ብዳዕተን ለለአመጻእ ወአሰክ እብ ጅምሉት ለለአዘብዩ ሕዳት ኢትን። መሕበር በዲር ሰልፈት ለህይብ ሰበት ዐለ እት ምዴርየት ጋሽ ለዓል፡ ሐቲ ደርበት ሐምስ አለፍ ወካልእ ደርበት ሰማን አለፍ ክም ሀቢ በጥረ። አተላላይ ክም ኢትቀደረ ለዕዳየን ሰመሐየንቲ። ላኪን ዲቡ ሌጠ ኢትከረፈዩ ሕርያን ብዕድመ ትረከብ። ኮንፈደራልየት ሸቃሌ ኤራትርየ ውብክ ዐዶታት ሰበት ለአሰልፎ ምን እንዴ ነሰአየ እት ወራት ተጃረት ለትከሰአየ ብዘሓት ህለዩ። እብ ዓመት እት አንሳትለ ምዴርየት ለመድ ሸቅል እት ሰብቅ ገይሰ ህለ።

አሰይደ ርግኣት “እት ሸቅል በዲርናመ ሕውነ አለብን፡ እት ተዕሊምቲ ለዲብ ምግባይት ወካልኣይት ደረጃት አንሳት ጋሽ ለዓል ኢህሌክን ንትብህል ለዐል። ዮም ላኪን ተቅዩር ብዘሕ መጽኢ፡ እት ክሉ እንረክብን፡ ዝያድ ህዩ እትሰ ዕቢ ለቤለ ዐዶታት ከረ አውጋር፡ ሸላሎ ወትኩምብዩ ልትጃገረ ህለዩ ሌጠ እንዴ ኢገብእ ምን ውላድ ተብዕን ለፈድባመ ልትረከቦ ህለዩ። ለሰኔት ናይ አንሳት ሐብሬ ወተዕቢኣት ዶል ልትዝም አገደ ሰመዐ ወእት ዐመል ተርጅማህ፡ እብፍንቲይ ምን ዐደን እት ወሳእል እዕላም ሐቲ ደረጃት ለበጽሐት ተህደገ እብ ምንገብእ እግል እግል ልምሰለ ለሌሐዘዩ ብዘሓት ለአብህዘ” ትብል፡ በቃዕተን ርኢት እት ትገብእ ትመጽእ ክም ህሌት እግል ተአፍህም።

ዴማት አክባር ዐድነ እት ወጅሆት ሄራር ዐቦት አንሳት ዶሩ ዐቢ ክምቲ ዲብ ትሸሬሕ ህዩ “መሕበር አንፋሩ እግል ለአፍዜዕ እት ዴማት አክባር ለቀድሙ በራምጅ ምር ናፈሬ መሻቀዩ ምን ገብእ እግል ለአተላሌ ወልፍየሕ ሰኒቲ። እብ ፍንቲይ መጀለት አግእዞ ክሉ አዳምቲ ለልትጸበረ። አፍካር ተአፈይሕ፡ ዓፍየት፡ ቃትን ውብዕድ ተአደርሰ። አግእዞ እትለ ምዴርየት ሐቲ ዶል ኢትጸኔሕ፡ ደረሰ። ሸቃሌ ሕኩመት፡ ፖሊሰ . . ክሉቲ ለልሐዘዩ” እት ትብል ለረኤተ ተአሰእል።

መቃብለት ርኢሰ ኢሰያሱ...



ምን እሊ ወኪን አሰክ አየ እግል ሊጊሰ ለሐዘ ህላ፤ አሰክ በር አማን ለልትባህል እግል ሊጊሰ ለሐዘ ህላ። ለሸባብ እብ ሰላም እግል ልንበር እቱ ለቀድር ቴለል እግል ልትከለቅ እሉቱ ለሐዘ ለህላ። ክእን ላቱ በክት እንዴ ከሰረ አው ሐግል እብ ክእን እግል ልንበር ኢቀድር። ለቀለት ገበይ ምጅልሰ ሰብደ ለልትባህል ለሐሰለ ቴለል ትሰለመዩ። ምንቱ ምጅልሰ ሰብደ ወምንቶም ለአንፋር ኢኮን ለሰአል። ለሸባብ ነገር እንዴ ሀረሰ ዲብ ጽርግዩ ክምሰል ትከረ። ለዴሽ እንዴ መጽእ ለሐላት ምን መራቀብት ጀላብ እግል ኢትፍገር ራቀባዩ። ሰበት እሊ እብ ቀለት ገበይ እሊ ምጅልሰ ሰብደ እማነት ራፊዕ ህላ። ክሉ ሽእ ኖሱ ለአገድዩ ወለአተምሙ በህለት ኢኮን። ላኪን ዲብ ሸባብ ሰብደ እግል ልብጸሐ ለቀድር እማነት ራቀባ ህላ። ብዕዳም እግል ልትሐግላ ቀድሮ ለልብል ምህዞ ሐዲሰ ለለአመጽእ ይህላ። ናይ ሰብደ ታሪክ ለለአምር ለእግል ትግበእ ለብ እላተ። ሰበት እሊ ሕነ እምባል ሸክ ረአይነ እሊቱ ብዕድ ሕርያንመ ሰበት ይህላ። እሊ ትትባህል ለህላት ናይ ሸባብ ሰብደ ሕርያን ሚተ፤ ለሸባብ አሰክ አየ ገይሰ ህለ ወእግልሚቱ ሐቆ እሊ ለሐልፈ ተጃርብ እግልሚቱ ዲብ ነገር ጥሉቅ ገይሰ ለህላ፤ ወዲብ ለሐዘዩ ለህላ አካን ምንቱ እግል ለዐድዩ ለቀድር፤ እሊቱ ለመፍህም።

ሰበት እሊ፡ አዜ ሕነ ላለ ሕርየት ወተቅዩር ሚ ቤለው ወሚ ፈዐለው። ለናይ በዲር አሕዛብ ሚ ወደው ወዲብ ሚ ትቀፈቀው ዲብ ይህለው ህቶም። ሰብደት ሰም፡ አጃንደት ሰም፡ ክም ምራዶም ሸባብ ሰብደ ለእማነት ክምሰል ረፍዐዩ ሐቆሁ ረአይ ብከ ምንገብእ ረአይከ እግል ተህብ ትቀድር። ለአማን እሊ ዲብ እንተ አዜ ምን ሐቂቀት ሰብደ ወኪን ናይ ትርኢኒ መዋዲት ናይለ ለትፈናተው ጀሃት፡ ትርኢኒ ናይ አፍራድ፡ ናይ ኖሰከ ወፋቅ ሐገልከ ምንገብእ ህዩ እግል ናይ ካርጅ መትኦታይ አጃንዳት ባብ

ርሐብ ትከሰት ህላከ በህለት ቱ። እሊ ሐላት እሊ ዲብ ትሄርር እት ዶለ ሕኔት መራቀብት ትገብእ እግል። ምን መራቀብት ፈግረት። መትኦታይ በዘሐ። ለአግደ ቀድሮት ሰብደ ምን እዴ ሰብደን በረ ፈግረት። አነ አዜ ዲብ ተፋሲል ይኡቱ ላኪን ምንቶም ለሐራ ትከለቀው ቅዋት ሰብደ ልግበኦ ወብዕዳም ዲብለ ትፈናተ አውካድ እጅትመዓት ወዱ ወወዕላታት ነዘሞ ለዐለው እብ ከአፎ ገበይቱ ትበህላ። እሊ ክሉ ናይ ካርጅ አጃንዳት ቱ። እግልሚቱ አህምየት ሰብደ ዲብ እሊ መንጠቀት ቀላል ሰበት ኢገብኡት። ሰብደ ክምሰል መርሐለት እንዴ ጸበዋክ እግል ትትካፈሶ እብ። እብ ለትፈናተ አግቡይ ምን ለብዩ እንዴ አንበትኩ። ዲብ ሚድ ምጽእ፡ ከዲብ ምግባይ አፍራቀ፡ ግብለት ሰብደ ወዲብ እሊ ድዋራትን እሊ ባካት እሊ ከፎ ክምሰል ትተልሃ እቱ ጀረቦት ቱ። ለሄራር ምን መራቀብት ጀላብ እግል ኢልፍለት። እሊ በዳሪታት ልትባህል ለህላ ባዛራት ቱ። ባዛራት ህዩ ንዩት ወዐሽም ናይ ካርጅ አጃንዳት ለከድምቱ።

ለቴለል ምን ገበይ አማኑ እንዴ ሸክፈ ጌሰ ምንገብእ ዲብ ደንገበ ምን መራቀብት እግል ልፍገር ቱ። ናይ ካርጅ መትኦታይ ህዩ መፋርቅ ብዘት ለከሰት ሰበት ገብኦ። እሊ ኢተኦትሐዜ። ለቀድሮት ሰኒ ትጸበዋ። ለምጅልሰ ሰብደ ህዩ እሊ መስኦልየት እሊ ልጸበመ። ዲብ ወራሕ ሐምሰ ናይ 2022 እግል እሊ ፋይሕ በሐሰ ለወዳነ እተ ወረቀት እብ ክሱሰ እግል ነሐብርም ብኩ። ለቀድሮት ቀድሮቶም ተ ወህቶምም ቀድሮቶም ዝያደት ሰበት ለአምር ሐብሬ ኢለሐዘ። ላኪን ረአይ ወፍክር ምን ነህይም ምሽክለት አለቡ እንቤ ወህብናህምተ። ለወረቀት እብ ምጅልሰ ሰብደ ከብቴ ረክበት። እሊ ህዩ ሕነ ምን እኪት ሰብደ እንዴ ቀረርን ረአይነ እግል ነህብ ሰበት ሐዜነ ወእሊ ህዩ እግል ልትወሰክ አው እግል ልርተዕ ለቡ ህላ ምንገብእመ ኢኮን። ላኪን በደለ ናየ እግል ቲዴ ኢወጅብ። ለወረቀት የምመ

ሐቆ ክልኤ ሰነት እግል ትትረኤ ትቀድር። አዜ ዲብ ኢለኦትሐዜነ አንጎጋይ እግል ንኡቱ ኢወጅብ። ገሌ ሚርሐት ክእን ቤለው ወእክነ ፈዐለው። ናይ በዲር ለዐለው ሰሉሐም ቅዋት ክእን ወደው። ናይ ሸርቅ፡ ናይ ብሉ ናይል፡ ናይ ክርዱፋን፡ ናይ ዳርፎር ክእን ዲብ ትብል ምን ሐዲሰ ዲብ አንጎጋይ ኢትየት ለለኦትሐዜ ኢኮን።

ሰበት እሊ ለሸባብ ሰብደ ለሐዘዩ ለህላ ሕርያን ለለኦክድ አሰክ አየ ልሄርር ክምሰል ህላ ምጅልሰ ሰብደ እሊ እማነት እሊ ልትሐመሉ። ምጅልሰ ሰብደ አማነት ልርፈዕ በህለት። ሰልጠት ልርፈዕ ኢልርፈዕ። ልራቅብ ኢልራቅብ ኢኮን ለመስኦለት። እማነት እንዴ ረፍዐ መሓዘ ንትዐዴ ህላነ እግል መሓዘ ለንትዐዴ እቡ ጀሰር እንሸቁ። ለጀሰር እንዴ ትሸቀ ክምሰል ተዐደ ሸባብ አማነት ልትከበት። አማነት እንዴ ረፍዐ ህዩ ሄራሩ ለአተላላ። ለትሰረረተ ገጽ ግረ ዲብ ተአቀብል። ዲብ ደውለት ፍላን እጅትመዕ ገብኦ። ዲብ ደውለት ፍላን ክእን ትቤ። መንዘማት ምጅልሰ ቅራን፡ አፍራቀ፡ መንጠቀት ክምሰል እሊ ቤለው ዲብ ትብል። እተ ኢገብእ እግልሚ ተኡቱ ህላከ፤ ብዘሕ በዳሪታት እግል ኖሱ ምን ለአመጽኡ ሐል ለለሐላልኩ ቴለል ልትመክረህ። እብሊ ህዩ ወቅት በዴ ህላ። ወቅት እግል ልብዴ አለቡ። ሸማል ለለኡቱ መሳዋር ኢለኦትሐዜ። መጅልሰ ሰብደ እግል እማነት እንዴ ትሰለመ። አሰክ ሰልመ ኖሱ ጸብመ። ናይ ሰብደት ፍላንት ብዩ ፈልሰፈት ብዩ። አፍካር ብዩ ሕርያናት ብዩ ለቤለ ወራቁ እንዴ አዳለ ጸኔሕ። ዲብ እቅትሳድ፡ ዓዳት መሕበራይ አምን እትለትፈናተ ቅደይ በርናምጅ ብዩ ሐቆ ትብል ገብኦክ በርናምጅክ ተአቀርብ። አዜ ላኪን እትለ ነአሰክቡ ወእትለ ነሐልሉ እንዴ ትቤ ኖሰኖሰከ ሕድ ትብል ገብኦክ ምንገብእ። ወእብ ፍንቱይ እትለ ወክድ እሊ ገብእ ለህላ መትኦታይ እግል ናይ ካርጅ አጃንዳት በክት እንዴ ከልቀ፡ ለእግል ልምጸእ ለቀድር ሐል ለለሐላልክ ወዲብ ደንገበ ህዩ ዲብ ኢለትሐዜ መርበይ ለነሰእ ሰበት ገብኦ ምን እሊ እግል ንደገግ ብኩ። እብ ትሉሉይ ዲብ እሊ ቀድሮት እሊ ብርሃን ዲብ እሊ ሰበት መጽእ እብ ፍንቱይ እሉ ለነህይብ ሰዳይት ወተእዩድ አለብኩ። እግል ብርሃን ለእንወድዩ ቅረዲት ፍንቱት አለብኩ። ሕሚቲማ ዲብ እሊ ለአትቀብብል ዐለ። አሰክለ ናይ ደንገበ ሐርብ ለሀረሰው እተ እትለ መጽእ ዐለ። ምሰሎም ተሐዶሰ ተሐምቅ እንብል ዐልኩ።

ለለኦትዐጅብ ሐቆ እሊ ክሉ ለሐርብ እብ ከአፎ ወለዐው ዲብ ካርጅ ለህላ ተሕለሉ እግል ለህብ ቀድር። እሊ ሐርብ እሊ እግልሚ ትወለዐ ህቶምም እግል ልብሎሱ

ኢቀድር። ለገብኦ አ'ምር ለቤለ እብ ሰበት እሊ ሐርብ እሊ እሊ ወእለ እንዴ ቤለ እግል ለሐብር ኢቀድር። አዜ እሊ ወሎሂ እንዴ ይእንብል እሊ ገብእ ለህላ ሐርብ ናይ ካርጅ ሐርብ ቱ። እብ ከአፎ ልትዘም ክምሰል ህላ ህዩ ተፋሲሉ ቅደሰ አለቡ። እተየ ልትዘም ህላ እብ ጃኦግራፍ እግል ንሸርሐ እንቀድር። እብ ሐረከት ዐስከርየት እብ ሎጂስቲክ በህለት እብ ሰለሕ እግል ንሸርሐ እንቀድር። እብ ለትፈናተ ሰብደይ ወዲብሎማሰይ አግቡይ እግል ንሸርሐ እንቀድር። እሊ ክሉ መሻክል መትኦታይ እደይ ካርጅ ቱ። አዜ ምጅልሰ ቅራን እንዴ አምጸኦክ ሰፍረ ህላት አክል እሊ ሸባብ ትሸተረ ወሰፍረ እንዴ ትቤ እግል ቀርድ ኖሰከ ለተሐዘዩ እግል ቲዴ እቡ ገብእ ለህላ እግል ኖሱ ለቴለል ለሐላልክ ለህላ ቱ። ለሐሰለ ቴለል ህዩ አክል እሊ ወቅት እግል ልጽኦከ ዐለ እሉ ገብኦ።

ዲብ ሰነት 2021 ለወረቀት እንዴ ኢትዳሌ። እሊ ቀድሮት እሊ እተ ሐምረት ኢኮን እግል ትሰከብ ትቀድር ዐለት። ለመስኦለት ምን ወክድ ለህይ ወሐር እብ አማን ሸቁይ እግል ገብኦ ምንገብእ እትለታት ወኢብጽሐት። እግልሚቱ አክል እሊ አንጎጋይ። እግልሚቱ እሊ ክለ ከሳር ወእግልሚቱ እሊ ሸባብ ቅድሮቱ እብ ሰላም ለኢትሰከብ እላ፤ እግልሚ ምን ዐዱ ልትሸተር ወለጅእ ህላ፤ እግልሚቱ ዲብ ለትፈናተ አካናት ወድወል ትገጅ መከብቱ ላጅኢን ልተክል ህላ፤ አዳም ጀላብ እግል ትቅሸሽ ራድኢት ራድኢት ዲብ ትብል አዳም ምን ማሉ ወዳሩ ክምሰል ልትሸተር እንዴ ወዴክ ወኖሰኖሱ እብ እደይ አድሕድ እንዴ ኡብዴክ ራድኢት ትብል፤ ለለኦትፈክር ቱ። ደሚር ናይ አዳም እሊ ኢልትከቡ። የም እግል ትትሀወን ለብ ቀድሮት እግልሚቱ አሰክ ሰኒን ወድኒን ትትነተል፤ ወእንተ ኖሰከ አነ ወኪል አነ እንዴ ትቤ ተአቀርቡ ለህላከ እብ እሱው ዋቂ ቱ። ለዐል ወተሐት እንዴ ይእንብል ክምሰል እሊ እንርእዩ ለህላነ እሊ ናይ ካርጅ አትባዩእ እደይ እግል ልብጠር ህላ እሉ።

ብርሃን አየድክ ወሕሚቱ ረፈድክ ኢኮን መስእለት ለህላ። ቀደም ክሉ ሸባብ ሰብደ ዲብ ክል አካን መዐስከራት እንዴ ከሰትክ ወትነጅ እንዴ ተክልኩ ካሚራት እንዴ አምጸኦክ ትሰውር ሸባብ ሰፍረ። ሸባብ ሞተ ሸባብ ለእሉ በሌዕ ሐግላ። ዲብ ትብል ለገብእ ሕሰይ ወምነይ ግምሸ። ሰብደ ክሕረት መነት ናይ እሊ መንዋቀት ዐለት። ዲብ ሰብደ ለህላ አርዛቅ ቅደሰ አለቡ። ሸባብ ሰብደ ምን ዳሩ እግል ልልጅእ ኢትቀሰበ ምንገብእ። ዲብ ቤቱ

እንዴ ትገሰ ሀብኒ ዲብ ልብል እግል ልብለዕ ወቀድረ ዐለ። እንዴ ቀሰነ መሻክሉ እግል ለአርሄ ወቀድረ ዐለ። ኖሰኖሱ ሕድ ዲብ ተአበልዑ ለገብእ ጀርቤታት ክሉ እግል መሳልሕ ካርጅ ቱ። እት ክእን ለመሰል ናይ ደሚር መስኦልየትን እግል ንርፈዕ ሰበት ዐለ እግል። ኢተሀመልነ ለትትቀደረን እንወዴ ህላ። ወእሊ ገብእ ለህላ አትባዩእ እደይ ህዩ እግል ልብጠር ህላ እሉ። ወእሊ ጀላብ እግል ልብጠር ህዩ ናይ በረ አጃንዳት ወመትኦታይ እግል ልትከረዕ ቡ። ዲብ እሊ ማሌ ለትፋህምን እቱ ናይ በይነ ረአይ ኢኮን። ለትፋህምን እቱ ናይ ግዋሬ ዶር እግል ለህላ ቡ። ምሰር፡ ሰብደዩ ወብዕዳት ክለን ሐድ መቅደረተን እግል ለደየ ቡን። ሕናመ እብ ትትቀደረን ተረትን እግል ነአግዴ ብኩ። ዶርነ ምሰል ገብእ በዳሪታት ግዋሬ ዶል ልትከእለልቱ ናይ ለተህሌ እሉ። ናይ ሰብደ በይነ ረአሱ እንዴ ኢገብእ ክሉ ዲብ እሊ መንጠቀት ለህላ አዋይን ወቅደይ ክሉ ሐል እግል ልትባሰር እሉ ቡ ለልብል ረአይ ዐለ እግል። እሊ ናይ ብርሃን ህዩ ሐዲሰ አለቡ እብ ዓመት እሊን ድዋር ወእለ መንጠቀት መስከብት እግል ልርከበ ቡን። እሊ ግዋሬ እሊ ህዩ ምን አርበዕ ጀህት ልትከወን። መጀራብብ ኒል። ቀር አፍራቀ፡ በሐር ቀየሕ ህላት ወከለጅ እሊቱ ግዋሬ ልትባህል ለህላ። እሊ ግዋሬ እሊ ሰላም እግል ልርከብ ቡ። እብ በይንዩ አነ ጀዘረት ሰላም አነ እንዴ ትቤ እግል ትትሃጌ ለልትቀደር ኢኮን። እሊ ናይ ሰብደ ቀድሮት እብ እህትማም እግል ትትረኤ ቡ። ቀድሮት ሰብደ ህዩ ዲሙ ትምህጸ ሕኔት ሐል ሳብት መጽእ ዲብ ትትመክረህ ክምሰል ትገይሰ ገብእ ህላ። እሊ እግልሚቱ፤ ዲብ ደንገበ ለህደፍ ሚቱ፤ እግልሚ ምር ክምሰል መሳልሐ ለሐላልክ ህላ፤ ዲብ ደንገበ ምጅልሰ ሰብደ ሰብደ መስኦልየቱ እግል ልርፈዕ ቡ። ብርሃን ክምሰል መጽእ ብዘት ልትባህል ዐለ። ብርሃን ሰዱ ህለው። ሕነ ብርሃን ድድ ምን እንሰድዩ፤ ሕነ ምን መስከሐት ሰብደ ወኪን ለእንርእዩ አለብኩ። እሊ ገብእ ለህላ ሐላካ ናይለ ቀድሮት ህዩ መሻክል ሰብደ ለለኦክቱ ዲኢኮን ለለኦክቱ ሰበት ኢኮን። ሕናመ ዲብ እሊ እደይ እንዴ ረበዐን እግል ነአቅምት ኢኮን። ወራታት እብ ደቀበት እግል ንወቅሉ ብነ እሊ ዲብ እንሰር ወዲብ ቻይነ ምሰል ትፈናተው መስኦሊን ለወዴናሁ ልቀእ ህዩ ሐቱ ወዋደሐት አጃንደት ቱ። ቀድሮት ሰብደ ህዩ እግል ትርሄ ወሐል እግል ትርከብ ገብኦት ምንገብእ ክሎም ለከሰም ወእዩም እብ ሕበር እግል ልክደም ቦም። ወሕነ ህዩ ምህዞ ሐዲሰ አለብነ ረአይነ ህዩ ዋዴሕ ቱ።

ሸባብ

ዶ/ር ዐ-መር ዐ-ሰማን



ክም ሸሬሕ ሮበርት ክዮሰኪ፡ ናይ እቅት-ሳድ ፈሀም/financial IQ ለልትብሀል እብ ሰበት ተጃረት ሐብራ፡ ዕልም፡ አምር፡ ለባበት ወገበይ ሸቅል አመርት ቱ ልብል።

እንዴ አትሉ፡ ህዩ እግል አር መተላላቢይ ጎልፍ አው ኩረት ሾሊቦል፡ መትዛባይ ልባሰ ትልህዩ አው ኮበራት እንዴ ኢጉብእ ለፈዳብ መተላላቢይ ወድዩ፡ ዕልም ወከአፎ እግል ልተልጻፍ ቀድር አመርት ቱ ልብል።

ሰኒ እቅት-ሳድ አው ማል ሀለዮት፡ አወል ክሉ ልትረተብ ምንመ ይእንብል እት ሐያት ውላድ አዳም ተረቱ ዐባይ ተ።

ክመ ግሩሽ እት ሰናቲም ለትቀየረት ሕርዮት ተ ለልትብሀል፡ ዎሮ ነፈር፡ እግል ነብራሁ፡ ልባሰ፡ ቤቱ፡ ድራሰቱ፡ ሕጉም ልሳዕድ ውበዕድ ለለአትሐዘዩ ማል ዶል ቡ እንዴ ኢልትአሰፍ ክም ምራዱ እግል ልንበር ወለአትሐዩ ሐጃት ልትዛቤ ቀድር። እሊ ነፈር እሊ ህዩ ናይ ማል ሕርዮት ቡ እግል ኒበል እንቀድር።

ሐቱ ደውሉት ህዩ መዋጥኒ፡ ማሉም እት ባንክ ለለዐቅር፡ ለኢብዘር ገብአው ምን ገብእ፡ እቅት-ሳድ ልትወቀል። ምላዕል ክሉ ህዩ ዎሮ ገቢል ሸባቡ ተድብሮ ወእግል ፈጅር ማል ከሩ ገብአው ምን ገብእ ምስተቅብሎም ሰኔ፡ እግልሚ ሸባብ ናይ ዕልም፡ ዐቦት ወእሎም ለመሰል ጂል አንሸአት

እግል ትሕሰብ ወጅብ። ሰሮም አንፋር አክልአይ ናይ እቅት-ሳድ ፈሀም ብከ እብለ ተአትዩ ማል ቀዩሱ። እሊ ፍክር እሊ እብ ተማሙ ራቴዕ ቱ ምንመ ይእንብሉ ገሌ ሐቃይቅ ላኪን ብእቱ።

ዎሮ ለከፍዩ ማል ለለአቱ ነፈር፡ እግል ድራሰት ለለአትሐዘዩ ክትብ፡ ልባሰ፡ እግል ልትዛወሮም ለለሐዘ ኣካናት እግል ልብእሕ፡ ሕጉም ልሳዕድ ውበዕድ ቀድር። እሊ ለኢመልክ ነፈር ላኪን አክለ ገሌ እግል ልውዴ ሐዘ አው ተሐዘ ምን ልትጋደእ።

ሰበት እሊ እት ክል ምዕል ወወሬሕ አክልአይ ግሩሽ አቱ ህሌኮ፤ እግል መናበርረቹ ከፈኒ መኣፋሉ፤ ሚ ሸቅል እግል እወሰክ እቀድር፡ አው እብለ ለህሌት እዩ መቅደረት እት ብዕደት መአሰሰት እብ ከአፎ ውቅልት ማህዩት እረክብ ውበዕድ እት ትብል እግል ትፈክር ለአትሐዘ።

ክም መፍሀም ሮበርት ክዮሰኪ፡ ሰሮም አንፋር እንዴ ኢቸቀ ግሩሽ እግል ልርከቦ ለሐዘ ወእሊ ራቴዕ ኢኮን። እሊ ሌጠ ኢኮን እግል አር ነፈር ታጅር ለወድዩ ሀለዮት ግሩሽ እንዴ ኢጉብእ፡ ለገበይ ለግሩሽ እግል ትርከብ ትገይሰ ተ። ሰበት እንዴ ረምቀው ወሰርቀው ግሩሽ ለለአመጸአመ ሰበት ህለው። ሰበት እሊ ለበሊሰ አሰክ ተጃረት፡ ዕልም እቅት-ሳድ ወካድም ትሩድ ቱ ልብል።

ብዕድ ግሩሽ ለትመጽእ እበ ገበይ



ዎጅቦም እብ አዜ ሰበት ገብእ። ናይ እቅት-ሳድ ፈሀም ሀለዮት እብ ከአፎ ለተአትዩ ማል ትወሰክ፡ ተዐቅብ፡ እት መሰለሐት ተአውዕል ውበዕድ ቱ እግል ኒበል እንቀድር። ከምን እሊ እንዴ አትሉኒ ሐምሰ ናይ እቅት-ሳድ ፈሀምን ወቅድረትን ለለዓብዩ ንቃዋ እግል ንርኤ ቱ።

1. ለተአትዩ ማል ወሰክ ዕልም እት ንእሽ ወግሩሽ እት ሸበት ቶም ለልትአከቦ ወልትረከቦ። ዕልም ህዩ አሳሰ ክሉ ሰኒ ሐጃት ወእብ ፍንቱይ ግሩሽ ቱ። ሰበት እሊ እብ ከአፎ ምን ለተአትዩ ህሌክ ወለዐል እግል ተአቱ ትቀድር

ምን ነፈር እት ነፈር ትትፈናቱ። ፍላጎ ድካን ሰበት ፈተሐ ተጀራ፡ አናመ ክምሰልሁ እግል እውዴ ቱ እንዴ ትቤ ለመጽእ ርዘቅ ኢሀለ።

ሰሮም አንፋር እብ ተውሳክ ሸቅል፡ ሰሮም እብ ተጃረት፡ ተሻሸት ውበዕድ ማል ረክቦ። ለአቡይ ለትፈናተ እግል ልግባእ ቀድር። ክም ነፈር ማልክ እግል ትወሰክ እቡ ለትቀድር መባድእ ሌጠ ፈትሽ፡ ኢትትህኪ ወምን ፈሸል ኢትፍረህ።

2. ግሩሽክ ዕቀብ/ዕቀረ ግሩሽ እብለ ኢልትፈሀመን አግቡይ እግል ትፍገር ትቀድር።

ናይ እቅት-ሳድ ፈሀም

ዓኢለት፡ ውላድ፡ መልሂትን ውበዕድ እንዴ ኢልትፈሀመን ግሩሽ እት በዞሮት ተረት እግል ተህሌ እሎም ትቀድር። እትለ እግል ትብለሰ ለብከ፡ እሊ አነ አው መስኦልዮቶም ራሬዕ ለአነ አንፋር ለሐዘወ ለህለው ሐጃት ላዘም እግል ልርከቦ ለቦም ወእት ሐያቶም ተቅዩር ለለአመጽእ ቱ መ ትብኔት ቱ እት ትብል ነፍሰክ ትሰክል።

ሰበት ትብኔት ውላድ አዳም ሰበት ኢትትክለሰ ለትብኔት ላቶም ሐጃት ምን ነአዘም ምኖም እት ሐያትን ለከሉቁ መሻክል አለቡ። ምላዕል ክሉ ህዩ ክል ዶል እት ክል ወሬሕ ለተአትዩ ወተአፈግሩ ማል እግል ተአምሩ ብከ። እሊ ኢትወዴ ገአክ ምን ገብእ አሳሰ አሰክ ተጃረት ክም ኢሀለ እትከ ለአክድ።

ክሉ ወቅት ህዩ ለተአትዩ ምን ለተአፈግሩ እግል ልብዛሕ ቡ። ለተአፈግሩ ማል ምን ለተአትይ በዜሕ ገአ ምን ገብእ እት ክል ሸሀር እብ ሰለፍዮት ትገይሰ ህሌክ በህለት ቱ። ምስል ወቅት ህዩ እሊ ዴን እሊ እት ልትአከብ ሰበት ገይሰ እግል እቅት-ሳድክ ትጠውር ኢኮን፡ ምን ህሌክ ደረጀት ወተሐት እግል ትትከራመ ትቀድር።

ክሉ ቀዋኒን እቅት-ሳድ ምንመ ትትረሰሰ እሊ ምህም ንቅጠት እግል ትትረሰሰ አሉብከ። ለተአትዩ ማል ምን ለተአፈግሩ ማል ላዘም እግል ልብዛሕ ቡ።


3. ተርቲብ ማል ለህሌ እክ እሊ ባህለት ክሉ ወቅት ለተአትዩ ማል ምን ለተአፈግሩ እግል ልብዛሕ ቡ። እብ ተውሳክ ህዩ እቅት-ሳድክ ምን ህሌካህ ደረጀት ወለዐል እግል ትወቅሉ ዶል ተሐዘ። አው እተይ ወሰክ አውመ ለተአፈግሩ እግል ተአንቅሰ ክም ብከ ልትሸረሕ።

4. ማልክ ትነፈዕ እቡ ለትከዘከት ግሩሽ ምን ህሌቱ እግል ሰኒ እግል ተወሰክ ትቀድር። ግሩሽክ አሸቅዩ፡ እንተ እግል ትሸቁ ኢትቀድር ገአክ ምን ገብእ፡ በዶል እብ ቅሩታይ ለህሌት እክ ግሩሽ አሰክ ትትክለሰ ትብሌዕ፡ እት እሰትሰማር/ከሰእ ሰላዲ እግል ትትነፈዕ እበ ጀርብ። እግልክ ወለ ምስሉ ትከድም ህሌክ ነፈር ትንፍዕ ወእተይክ ወሰክ።

5. ናይ እቅት-ሳድ ዕልምክ ዓቤ ክሉ ወቅት እሊ መጃል እሊ ሰኒ ማል ልትረከብ ምን ህለ ሰበት ቤለውክ ሌጠ እት ለኢተአምሩ ከሰእ ሰላዲ ኢትአቱ። ጀራይድ፡ ክትብ፡ መሐደራት ኤምረት፡ በርናምጃት ተለፍዘዮን እብ ሰበት እቅት-ሳድ ውበዕድ እት ትትነፈዕ ዕልምክ ወሰክ። ለትነሰአ ምስዳር ህዩ በዶል እብ ሸዑር ወሸፋግ እብ አምር ወፈሀም እግል ትግበእ ክም ክደም።



አርሱቶትል ወፈልሰፊቱ



አርሱቶትል አሳሰ ፈርሐት ለቤለዮም እሎም ለተሉ ሐጃት ቶም፡ ላብብ መባልሰ ወፍክርያት አምጸአት፡ ብሐሳት ውድዮት፡ ራትም ለትብሀለው ሐጃት እብ ካልእ ዕን እብ ርእየት፡ አማኖም አከዶት፡ እት ምህም ሐጃት ናቃሽ ወመከሐደ ውድዮት ውበዕድም ሐጃት ከምክም። እብ አሳሰ ርእየት አርሱቶትል ፈልሰፊት ለአለበ ሐያት ለውቀት አለበ። ፈልሰፊት ቀመም ናይ ሐያት ተ። እብ ሐጫሩ ፈልሰፊት አሰተንተኖት ብሕሰ ወበርበርት ምስጠር ሐያት በህለት ቱ።

ፈልሰፊት በህለት ናይክ ፍክርየት፡ በሰር፡ ተጃራብ ወዕልምክ እብ ሰበት እድንዩ እንዴ ወቀልክ እብ ሰበት ሐያት ወምጅተመዕክ ናይክ ፍክርየት ሀለዮት ወምስል ብዕዳም አትጃጋርተ። ፈልሰፊት ናይክ ርእየት ሀለዮት ምንመተ፡ እብ ናይክ ፍክር ሌጠ እግል ቲገሰ ወላመ ፍክር ናይክ ሌጠቱ እግል ቲበል ኢትቀድር። ሰበት ሕነ ፍገረት ዓኢለት፡ ዋልዴ፡ ሐውነ ወሐዋት፡ ሰናት፡ ምጅተመዕኑ፡ ዓዳትን ወዴን ሰበት ገብእ።

እሎም ለቤልናም ሐጃት እት ብንዩት ናይ ዎሮ ነፈር ርእየት ተረቶም ቅዶሰ አለበ። ሰበት እሊ ፈልሰፊት በህለት ምን ለተአምሩ ወለዐል ብሐሳት እብ ውድዮት፡ እግል እት ምጅተመዕ ለጸንሐክ ፍክርየት ወለመድ እት ፍይሐት ርእየት እብ አተዮት አማኖም አከዶት ወእብ ፈተሾት፡ እግል ጸነሐ ፍክር ሳዕዶት፡ አው እግል ጸንሐ ፍክርየት እብ ኢመትከባት ሐዲሰ ፍክየት አምጸአት እግል ልትብሀል ቀድር። ፈልሰፊት እት ጃምዓት ለእንደርሱ አውመ ምደርሲን ለቡ ወእግል ፍንቱያም አንፋር ለተሀቦ ዕልም ኢኮን። እግል ክሉ በዐል በሰር ወፈሀም ለተሀቦቱ። ሰበት እሊ ፈልሰፊት ምህም ላቶም ሰአላት እብ ሀረሶት እት ራቴዕ ፍክር ብጸሐት በህለት ቱ። ፈልሰፊት እብ ሰበት ፍክርየት ፈክርት ወሐሰብ በህለት ቱ። እንተብህ ተሐዘ ወእብ እንትብህ ተአነብት። እቡ እንዴ ወዴት ህዩ እት በሰር መንበር ወሐያት ተረተ ተአገዴ።

ፈልሰፊት፡ አነ ሚ አምር፤ ለሀለ እዩ አምር ራቴዕ ወአማንቱ ገብእ፤ ሚ እግል አምር እቀድር፤ እብ ከአፎ እግል እንበር እቀድር፤ ሐያት ሚተ፤ እድንዩ፡ ፈርሐት፡ ሻም፡ አምር፡ ዐዳለት፡ ሞት፡ ዲን፡ ቃት፡ አዳብ ሚቶም ለልብሉ ሳአላት ውበዕዳም እሎም ለመሰሎ አሰክለት እብ ብልሰት ተአነብት። ክመ አር ሙፈልሰፍ ለቤለዩ፡ ምን ፈልሰፊት እግል ትአዘም ሐቆ ሐሬክ ጀሀል ሕርዮት በህለት ቱ ለቤለዩ፡ ፈልሰፊት እት ሐያት ዎሮ ነፈር ተረት ዐባይ በ ወእብ ፍንቱ እት ሸባብ። ከአዘ እሊ ክሉ ለእግሉ እንገራ ዐልነ ፍክርየት ፈልሰፊት፡ ሕነ ሸባብ ህዩ ፈልሰፊት እብ ከአፎ እንርእዩ።

ክም ሻብ ናይክ ርእየት ሀለዮት እት ክል ተሐድያት ሚ እግል ትውዴ ብከ ወከአፎ ትጋብሁ ሰዴከ። ምን እሙራም ዕለመእ ሰብ ፈልሰፊት ለአትብገሰው አምር እንዴ አንበት፡ ምስል ምጅተመዕነ ወዓዳትን ለገይሱ፡ እት ገበይ ዐቦት ወተጠውር ለነሰኢ፡ ሰላም ወረሀየት ለለአመጽእ ፍክር፡ እብ ሰብር ወእንትብህ ለተለ ወአማን ለፊቱ ርእየት ሀለዮቶም እት ገበይ ሄራር አር ምጅተመዕ ተረተ እክድትተ፡ ወእብ ፍንቱይ እት መቶር ወመሐርካይ መጅተመዕ ለገአ ሻብ። ሻብ እርትርዮ፡ ሸባብ ወምጅተመዕ እርትርዮ ለትመሰል፡ አሳሰ እት ትሩድ ፍክርየት አበውነ ለልትንከብ ወእነ ለትመሰል ፈልሰፊት እግል ተህሌኒ እነ ወጅብ። ክመ ኤፒክሩሰ ለቤለዩ ክም ሸባብ አሳሰ፡ ፈልሰፊትን እቱ አንተብህት እንዴ ወዴን ፈርሐት ሐያት ንሕዘ፡ ወእት ገበይ ዐቦት ወተጠውር ምጅተመዕ ለነሰኢ ፍክርየት ምን ደሚርን ለዘሬ፡ ምን አጅል እሙር ወዋዴሕ ምስተቅበል አጅያል።

ሆስፒታል ስርዓት ለሕይወት ማረጋገጫ ማድረግ

ሆስፒታል ከፎካል ካንሰር ለክሊኒካል ስርዓት ማረጋገጫ ማድረግ (ደክቶር አሌክሳንድር ደብረ)

ቀደም ወቅት ቅርብ አምዕል ሐይቅ ምርት ግዋሬዬ ባብ ቤቼ ከርከሐ። እግልጤ ወእግል ዓይላቼ ድድ ሕግም ጅዝሪ(ግድሪ) እግል ንትከተብ አሰለሌ። እሊ እናሰ ምርት ምን አላፍ ምትጠወዲን (ሰብ ምራድ ኖሰ) ለእግል ሸቡኒ ኒውዮርክ ድድ ጅዝሪ እግል ልትከተቦ እግል ለአሱራሎም ተሐት ወለዐል ልብሎ ልዐለው ቱ። ለአዳም ፈርሀት ሰበት ትከራት እቱ። አሰክለ ክልኦት አልፍ ደክቶር እንዴ ትረተብው እቱ ዱሉይ ለዐለ መራክዘለ ክታብት ልትሳሰዱ ዐለ። እሊ ኩሉ ሰዐይ ወአለምባይ ሰበቡ ሆስፒታል ዐለት! ምን ሰማን ምልዮን ሰካን መዲነት ኒውዮርክ። ሰማን ነፈር እብ ሕግም ሐመው። ወምን እሎም ክልኦት ነፈር ሌጠ ሞተው!

ዲብ ኒውዮርክ ምን ሰላሳ ወሰቡ ሰነት ወለዐል ነበር። ሐይቅ አምዕል ምን ሆስፒታል ለልትብህል ሕግም እግል ለሐዘረኒ ባብ ለከርከሐ እቼ ነፈር ይህለ። እሊ ሕግም እሊ ለሰበባይ ከሳር አርወሐት ላኪን፣ ዐስር ዕጹፍ ናይላ እብ ሕግም ጅዝሪ ለጀሪ ከሳር ዐለ።


እብ አማን! ምን እሊ ለምርት ምን ዐስር ምን ሰካን አሜሪካ ዲብ ሓላት ምን እብ ህሙም ወሸቀላት ለመጽእ ሕግም እግል ለሐዘረኒ ባብ ቤቼ ለከርከሐ ነፈር ይህለ። እብቱ አነ አዜ እሊ ኩቱብ እብ ባብክ እግል እክርክሕ ወእግል ሐዘረኒ ለትቀሰብኩ ሕሹም ቁርኣይ!

“ደክቶር አሌክሳንድር ጃኦዘት ኖቤል እት ሕክምነ ነሰሉ። ክም እሊ እት ልብል ህይ ከትቡ- “እግል ሆስፒታል ከፎ ክም ካፍሕው ለክሊኒካል ስርዓት ማረጋገጫ። አገድ መይቶ” እሊ ዘዐት ላኪን እግል ሰብ ማል። አንሱ ሐካይም። ሸቃለ ወብዕዳም ኩሎም እብ ሕበር ለትቀሰድ ዘዐት ተ።

ገሌ ሰኖታት እውዴ እጃዘቼ እብ ዐረብዮቼ ምሰል ደክቶር “ገበር” እት ምድን ተክሳስ ወኒውዮርክ መክሰኮ ዲብ አንገሞን ሓለፍክው። እሊ ነፈር እሊ ሐኪም ናይ ሸሪክት “ሳንታፊ” ምድር ባቡር ቱ ለዐለ። ወወዘፈቱ ለትወቀለ መስኦል እትሓድ ሐካይም “ጋለት”፣ “ክሎራድ” ወ “ሳንታፊ” ቱ ለዐለት። እብ ክሱሰ ሆስፒታል ክም እሊ ቤሉ- “70% ምን ዲብ ዕድዳት ኬን ወእንሰር ለልብሎ ሐማይም፣ ምን ሰይጥርት እቶም ለህሌት ሆስፒታል ወፈርሀት ምን ልትባልሐ ርሐም ኖሶም ወሳረው ዐለው። ክእነ እብል ዲብ ህሌት ለሕግምም ወህምቱ እብል ህሌት ኢልምሰል እትከ። ሓለት ሕግምም ሐቂቀት ተ። ወለ መጸጸም ምን መጸጸት አልሓይ አው ምን ምእት ዕጹፊ ተአኬ። ከም መሰል ናይ እሎም ሕግምም እሎም መጸጸት ከብድ፣ እሱቶም፣ ሕግም ልብ፣ በደ-ሰካብ፣ መጸጸት ረአሰ ወገሌ አንዋዕ ሸለል ቶም።

እሎም ሕግምም እሎም እብ አማን ጀሩ። እሊ ህግም ምን አምር ወተጅርበት እንዴ ትብገስት እብላ ህሌት። አነ ኖሼ እግል መደት ዐስር ክልኤ ሰነት እሱቶም፣ ሐመም፣ ፈርሀት እብ ሰብ ሆስፒታል፣ ወሆስፒታል እብ ሰበት መትሰዳድ ዓሳብ፣ ወጸንጊነ አደብ፣ እት ዓሳብ ከርሸትነ ሰበት ለአሰር፣ ለእንዛይማት ለሓቀቀት እት እንዛይማት ሰም ሰበት ልትብደል። እት ለበዘሐ ወቅት ዲብ ሕግም እሱቶም ለአሰር፣ ለእኩ።”

‘ደክቶር ጃዜፍ ፈ. ሞንታጃ’ ሙኦልፍ ክታብ “ናይ ኩብድ ዐሰብደይት እጥራባት” እብ ጀህቱ ክም እሊ ልብል። “እሱቶም ምን እሱ ትብልዕ ኢኮን ለትመጸአከ፣ ምን እግልከ “ለበልዕ ቱ” ለትመጸአከ።” ደክቶር “ወ. ሰ. አልጋሬዝ” ሐኪም ለእምር እሱብዳልዮት ማዮ፣



ድራሰት እት ዐስር ሐምሰ አልፍ ነፈር ሐቆ ወደ ክም እሊ ተሌ ልብል። “ለበዘሐ እዋን እሱቶም እብ ሰበት መትቃደር ሰምዲታትናቱ ለትመጸአከ” ወአርበዕ ምን ክል ሐምሰ ሐማይም ሰብላ ሕግምም፣ ፈርሀት፣ ሆስፒታል፣ አብ፣ አናንዮት ወለነፈር ቤን ነፍሱ ወሐዶቱ ምሰንዮት እግል ልክለቅ መቅደረት ሰበት ለሐግልቱ” ልብል።

‘ደክቶር ሃርልድስ ሃዮን’ ምርት ምን ሐካይም ሙሰተሸፊ ‘ማዮ’ ዲብ እጅትማዕ “ጀምሶዮት አምሪካዮት እግል ሐካይም ወጀራሒን እት ሙኦሰሳት ሰኖዐት ለሸቆ” ከልመት አሰመዐ። እት ከልመቱ ክም እሊ ቤሉ- ምግባይ ዕምሮም 44 ሰነት ላቶም 186 ሰብ-ማል እቶም ድራሰት ወደ። ምን ኖገሪት ተ ድራሰቱ ክመ አከደዮ፣ ምር ሙሰለሰ ምን ሐማይም እብ ሰብ መትሰዳድ ዓሳብ ለመጸኦ ሕግምም ምኖም ክም ሸኩ አመረ። ለሕግምም ህይ እሎም ተሉ ቶም። “መትሸራፍ ልብ፣ እሱቶም ወጨቅዋ ደም ቶም። እሊ ለለአግሄ ኢኮን? እብ ሰብ እሎም ሕግምም እሎም ሰብ-ማል ዕምሮም ምን 45 ሰነት ለኢዘይድ ሐዶቶም እንዴ ትትደመር ዶል ገይሱ፣ እሊቱ ዐው’ለ ነጃሎም፣ ለምርት ወለ እዲነ ኩላ እንዴ ከሰበ እት ደንገሰ ዓፍዮቱ ሐቆ ከሰር ሚተ ፋኢደቱ፣ ምርት ነፈር እዲነ እብ አካነ እንዴ ከሰብ፣ ሐይቅ ምርት እግል ለአንፍር፣ ሐይቅ ዐራት ሌጠ ትከፍዮ ሐቆ ገብአት፣ ወእት አምዕል ምን ሰለሰ ወጅበት ወለዐል ሐቆ ኢሊሐይ፣ ኖንጌሁ ወኖንጌላ አምዕል እብ ግዲደ እብ መሕረሻሁ ምድር እት ለሐናዴ

ለልውዕል ሐረሰታይ ሚ ፈርግ ህለ፣ ፈርግ ህለ ምን ገብእ “ለሐረሰታይ ሰካብ ርዩሕ ሰክብ፣ ወላመ እሊ በልዕ ነብረ ምን በዐል ማል ምሰል ኩሉ ጀሁ ወሰልጠቱ ዝያድ ለዘት ወጠዐም ረክብ እተ። አነ እብ አማን ሐረሰታይ በሲጥ ዲብ “አልባመ” እንዴ ገብአት፣ ዶል ለሸቅልዬ እክልሳተ ሕኖናይ ዲብ እዘብጥ እግል እንበር ወፈቱ። በደል በዐል ማል እንዴ ገብአት ሸሪክት ምድር ባቡር አው ሰጃይር እግል አሰሰ ወድ 45 ሰነት ዲብ አነ ዓፍዮቼ እደምር።

ሰጃይር ሐቆ ፈቀድነ - ለአግደ እሙር ምንትጅ ሰጃይር እት ዐለም፣ ዕርፍ እት ለአኖኬ እቱ ዐለ ወቅት፣ እትሊ እዋን ቁሩብ እብ በህ ልብ (ሰትሮክ) ሞተ። የም አለቡ መላዮን አካ፣ ምናተ ወድ 61 ሰነት እት እንቱ ምን እሊ ዐለም ትሳርሐ። ለበዘሐ ወቅቱ አሰር “ነጃሕ” “ወሐበን” ለልብሎ እት ልሰዴ ሓሰፈዮ። እብ ወጅሁት ነዘርዬ እሊ ዐቢ ረአሱ ማል እሊ። ወላ እሊ ኩሉ መላዮን ልጅመዕ እት ኢኮን፣ አክለ አቡዬ ለሐቀቀዮ ነጃሕ ሐቀቀ ኢመሰለኒ። አቡዬ እት ወላዮት መይሱሪ ሐረሰታይ በሲጥ እት እንቱ ነብር ዐለ - ወድ 89 ሰነት ሐቆ በጽሐ ሞተ፣ ወምርትም ዶላር ኢሐድገ።

ክልኦት ሐው ማዮ ሰብላ ዐቢ ሕክምነ ለእብ ሰምም ልትአመር ክም እሊ ልብሎ - ሰር ናይላ እት ዐራታት እሱብዳልዮት አሜሪካ ሰክሶ ለህለው ሐማይም ሙሸክለቶም እድጥራባት ዐሰብዮት ተ እንዲኢኮን ብዕድ ወለ ሐይ ሕግም አለሶም።

ዓሳብ ናይ እሎም አዳም እሎም እት ሐንቱ ምጅሀር (ማይክሮስኮብ) እንዴ ከሬክ ምንዲ ትገንሐ፣ ምን ዐ-ፋዶም እብ ሐበት ኢልትፈንጅ፣ ከሰብ እሊ እጥራባት ዓሳብ እሊ። መትሰዳድ ሰምዲት፣ ሆስፒታል፣ ፈርሀት፣ መትፈላል ወበቲክ ሰእዮት ሌጠ ቶም።

“እፍላጦን” ክም እሊ ልብል። - “ምን ለዐባይ አክጣእ ሐካይም፣ ለገርብ እብ በይቱ ምን ዐቅል እንዴ ፈንተው ሰበት ሳሩው ቱ። ምናተ ገርብ ወዐቅል ክልኦት ገጽ ናይ ሐይቅ ሓጀት ሰበት ቶም፣ ምን ምርቶም እንዴ አዘምከ ለምርቶም እግል ተዓልጅ ወኢወጅበ”። ሕክምነ ምን እሊ አማን እሊ እግል ልትአከድ ክልኤ አልፍ ወሰለሰ ምእት ሰነት ነሰኦ ምን። አዜ ዲብ እሊ ቁሩብ እዋን ቱ ለምርት ኑዕ ናይ ሕክምነ (Psycho Somatic Medicine) ሕክምነ ገርብ ወዐቅል ምሰል ለተአሰሰ።

አማንተ - ሕክምነ እግል ክሎም አው ለበዘሐው እብ ጀራሲም ለመጽኦ ሕግምም ክም ከረ፣ ጅዝሪ፣ ኮሌራ፣ ወብዕድ ክም ፈለ፣ ምናተ እት ቅብላት አረይ ሆስፒታል፣ ፈርሀት፣ አሰ ወበቲክ ሰእዮት ሕዮር እት እንቱ እንርእዮ። ሐካይም ክመ ሞተሙ፣ ምርት ምን

ልባብ

ዴማት መሰንዮት ወዕሸረት ተ

ሐይቅ እሊት እብ ሰብላ ኖንጌህ ወኖንጌህ ሐማተ ለዐለ ዘ-ዕ ወዐደም መፋህመት እት ገበይ ለእብ ትትባለሕ ምን እት ተሐሰብ አንበተት። ኩዲብ አርት ሐኪም እንዴ ጌሰት ገሌ በሰር እግል ልውሰፍ እሊ ትሰአለቱ። ለሐኪም ህይ ለእቡ ትቅትላ ሰራይ ሀበዮ። ምናተ ለእሊት ሐር እንዴ ተአ’መረት እግል ኢትትጸብጥ ወእት ገጽ ቃትን እግል ኢትቅረብ ለደው እብ ምልህሁ ወእት ወቅት ረዩም ክም ቀትላ ጋብእ ዐለ። ለሐኪም እሊ ክም ሀበዮ አሰክ ለአምዕል ለደው ሸቅሉ እንዴ ሸቆ ለሐማተ አሰክ ቤት አማነ ትትሳረሕ ምን። እብ ገበይ ሰይት እግል ትትዓመለ ነሰሐዮ። ለእሊት ሰይ ልውቅት እት እንተ ዳሪ አቅበለት። ለደው ዲብ ሻሂ እንዴ በጭብጨት እግል ሐማተ ክም ሀበቱ ምን አምዕል እት አምዕል ለሳዐት ለሐማተ ትትሳረሕ እት እሊ ትታኬ ዐለት። ወአሰክ ለአምዕል ለህ ትመጽእ ለእሊት እግል ሐማተ ሰይ እት ትትዓመል ምሰለ ወእት ሰይ ዲብ ትረኤት። እብ አደብ ወእሕትራም ትትሃገዩ ወምሰለ እግል ትብለዕ ትትላከዩ ወደለ ገብአት ትክህል ዐለት። ለሐማተ እሊ መዓመለትላ ለሰይ ናይ እሊትላ ወልደ ክም ረኤት ህታመ እግል እሊትላ ወልደ እብ ሕሳን ወእብ ገበይ ሰይት እት ትትዓመል ምሰለ አንበተት።

ወእብላህን ክልኢትን እት አሕድ እት ሰንዩ ወአሕድ እት ለአሕተርመ መደት ወደዮ። ሐቆ ገሌ ሰምኖታት እሊትላ ወል ሰይ ሸቅልት እት እንተ ወዕንታተ ምን ብዘይ እንዴ ኢበጥር እብ ሰዐይ እትላ ሐኪም እንዴ ጌሰት ሐሰብክ ህሌት ሐማቼ እግል ቲሙት ኢሐዘዩ ሕነ እብ ሕሳን ወእሕትራም ምሰል እንብር ህሌት ቴላቱ። ወመፍዑል ናይላ ሐልፈ ደው ለለአበጥር እቡ እሊ ብሰር እግል ልርኩብ እሊ ትረጃቱ ወተሐሰቡ። ለሐኪም ግይጽ እንዴ ቤላ ገጽ ፋርሕ እት እንቱ። ለእሊ ሀበዮ ሰራይ ክም ኢኮን ወማይ እብ ሃሉ ክም ዐለ። ወህቱ ምን ሰልፍ እሊ ኖገሪት እሊ እግል ልታኬ ክም ዐለ አሰአለዮ።

ለኖገሪት፣ ሕኖ ምሰል ብዕዳም እትላ እንደደኖ መዓመለት እግል አሰላብለ መዓመለትን እግል ንቀይር ብእትነ እት ኢኮን፣ ምሰሎም ለንትፋህም እብ ገበይ ክም ዐጂባት ምን ሰመ አሰክ ትትከሬ ዲብን እግል ንትጸበር ክም አለብነ ተአክድ እግል።

ተበሰም



ለደክቶር እግል እት ሳዐት ሰባዕ ማሲ ምድር ለመጸዩ ሕሙም ክም እሊ ቤላዮ፣ እትላ አፍላ ባብ ለህሌት ላፍተት ኢቀረእካህ መሚ፣ ለዕድደት ለትፈትሕ እቱ ወቅት ምን ሳዐት ዐስር አሰቡሕ አሰክ ሳዐት አርበዕ አምሱይ ቱ።

ለሕሙም፣ አሃዮእ፣ ከላማ ክልብ ዶል ለእሊ ነክሼኒተ ለላፍተት ቃርኣ ይዐለ ገብእ።

ክል ዕሰረ አምሪኪ፣ ገሌ ክፋል ሐዶቱ እት መሰለሐት አምራድ ነፍሰዮት እግል ለሓልፍ ክም ቱ ለአሰእሎ። ምን ለለአትዐጅብ ሐቃይቅ ምን ክል ሰበ እት ዘመን ካልኣይ ሐርብ ዐለም እግል ክድመት ወጠንዮት ለትበገሰው ሹባን፣ ለትፈናተ አምራድ ዐቅል ወብዕድ ሰበት አጽንካው፣ ዐደም እግል ለዐቅብሎ ትቀሰበው። ሰብ መዕደን ሚ ክምቱ ተአምር ገብእ፣ እብ ተሕዲድ እሊ ሰብ እሊ ለለአምር አዳም ይህለ። ምናተ ምን አመረ፣ ፈርሀት ወሆስፒታል ምን መዕደን ለለአመጽኦ ዐዋሚል እግል ልግብኦ ቀድሮ።

መዕደን ህይ እሊ ቱ። እሊ ክታብ እንዴ እከተብ እት ቀደሚይ እተ ጣውለት ምርት እብ ደክቶር ‘እድጥርድ ቦዶሊሰክ’ ለትከተብ ክታብ ክሩይ ዐለ። ዕንዋኑ ”ምን ሆስፒታል እንዴ ትነጃክ እብ ዓፍዮትክ ትመተዕ” ልብል። ወእሊን ገሌ አርእሰ ናይላ ምን ዲቡ ህለዮ ምዕራፋት ተን። ሆስፒታል እግል ልብ ሚ ትወድዮ? - ሆስፒታል ወጨቅዋ ደም - ሮማቲዝም እብ ሰብ ሆስፒታል እግል ልምጸእ ቀድሮ። ወድ ሚን አደም ዐዶ ርሐ ቱ። ጀላብ ከብድክ ምን ሆስፒታል አውሕድ፣ ሆስፒታል ወሕማም ሱከራ”!



ጎማት ወተሐይስ ተሐምቅ ዲብ ዔማት አክባር

ጌጋታት ጅንሰ (አንስ ወተብዐት)
 መብዝሐ ከሊማት ትግረይት እብ አንስ አው ተብዐት ልትሸረሕ። እብ ጠቢባቱ አንስ አው ተብዐት ገብእ። አዳም ህዩ እግሉ ጅንሰ ልብ እንዴ አከፊ እግሉ ጌጋታት ወዳ። ገሌ ምን እት አክባር ለልትቀደም ጌጋታት ህዩ ክእነ መሰል።

እሊ ክርን ገቢል ኤራትርያ ቱ። (ጊጊት)

ክርን ምን ጠቢባቱ አንሳይት ሰበት ገብእት “እሊቱ ለልብል ከሊማት ምስለ ኢገይሰ። ከእብሊ እሊ ክርን ገቢል ኤራትርያ ቱ። እግሉ ኒባል ለአስትህል።

- ዐሰማን ገቢይ ረዩም ሄረረ። (ጊጊት)

- ዐሰማን ገቢይ ረዩም ሄረረ። (ራትቦት)

መትነፍቶት ሰፈት ጅንሰየት (ወጠንየት)

ሰፈት ጅንሰየት እንክር መስከብ ወአሰል ለሸፊሕ ክፋል ናይ ቀዋዕድ ተ። ዲብ ትግረይት እብ ለመድ ለንትነፈዕ እብ አሰል ወእንክር ለሸፊሕ አግቡይ ህግዩ ብኸ።

በርካይ፣ ሳሕላይ፣ ሰምህራይ፣ አልመዳይ፣ አሰፈዳይ አግልምባይ ሕዳርባይ ናራይ ኩናማይ፣ ሰይሃይ ወለመሰሉ እንብል።

እግል መሰል፡-

ፈዳብያም፣ ሓይላም፣ ሓርያም፣ ቀዳምያም፣ አባያም ፈታያም ሕያያም ማይታም ማልጫም፣ ጸጋያም ውሕራም ወለመሰሉ።

ምን እሊ እንዴ ትብገስ ለእግል ጠባይዕ ሌጠ እግል ልሸረሕ እግልን ለንትነፈዕ እብ። ምስል ጅንሰየት፡

እግል መሰል፡-

ኤርትርያም፣ ምስራያም፣ ዐረባያም፣ ህንዳያም፣ አርባያም፣ አፍጋናያም ሊብያያም ወለመሰሉ እንብል ህሌ።

እሊ ህዩ ዲብ ሸክል ትግረይት ለገብእ ለመድ ወነጥቅ እት ህግዩ ጠምጠም ከልእ ወልትዐርገል እትኸ። እት ገቢል ትግራ ህዩ እብ ለመድ መልግበእ ኢጸንሐኸ። ወእብሊ ሰብብ እሊ ለናይ ዐረብ ነቀም ለነሰአት ሰፈት ጅንሰየት መትነፈቶት ለሐሰ እት እንቱ ረከብናህ።

እግል መሰል፡-

ሕኔት ኤራትርያም እንብል ኤራትርያን ምን እንብል ለሐይስ ወሴምዳይና መዝያደት እሊ ልፍህም። ሰፈት ወጠንየት ናይ ለገብእት ትግብእ ደውሉት እግል ንሰሜ ደል ነአምም። እሊ ሸክል ለናይ እሊ መሰል ለትሰሜት እግል ንትሌ ለአስትህል። (እሊ ሳኪን እግል ዐቦተ ህግዩ ቀደም እግል ነአብሊ ገእነ ምንገብእ። ቃኑን እንዴ ወዳነ እብ ምን እንገይስ ወምን ነአለምደ እግል ብዕድ ከሊማት ገቢይ ተአጠፊሕ እግል።

* * *

ጅሀ ገጽ 91

እት ተርጀመት ወመትሰላፍ ለልትረኤ ጌጋታት

ክል ነፈር ምን ህግደህ ወኬን ሐብሬ እግል ልርከብ ምን ለቀድር ሀገጊት ብዕድ እንዴ ቀርአ ለሐብሬ። ለህቱ ረከብዩ እት አዳም ብዕድ እግል ለዐድዩ ደል ለሐዘ ህዩ። ለተአትሐዘ ሐብሬ እብ ህግዩ ለቁርአቱ ወመተንሰዩቱ ለልፍሁመ እግል ልተርጀመ ልትጀበር። ተርጀም እት ህሊ ህዩ። ለገቢይ ለሐብሬ ራትቦት ተሓልፍ እግሉ እንዴ ትተለ ከትብ ወልትሃጌ። ምናተ ክል ህግዩ ጠቢባቱ ናስ ሰበት ቤ ተርጀም እት ህሊ ምስለ ህግዩ ለገይስ አግቡይ ወቀዋጊን እግል ተርጀመቱ ለሐድድ። ጠቢባቱ ናይ ህግዩ ህዩ ምስል ሓጃት ብዙሕ ሰበት ትትጸበጥ። ለአዳም ለተርጀም ህሊ ሰልፍ ለክልኤ ህግዩ ለእት አድሕድ ተርጀመን ህሊ እግል ልምለክ ወግዳት ወመባልስ ሰብአን እግል ለአምር ለአስትህል። ዓዳት ወመባልስመ እት ተአምር ክል ህግዩ ከምን ህግዩ ብዕደት እብ ከሊማት ሰበት ትዘይድ ወትነቅቤ። ደል-ደል ለምብላስ ለእግል ትተርጀመ ትሰትት አክል ሕድ ፍህመ ወጠምጠመ እትዱወር እት እንት እት ህግዩ ለቅብላት ህሌት እሊ ለልትዓደል ከሊማት ወመፋሂም ተሐግል። እት ምር ጅንሰ ሸቅል ለፍፋር አዳም ሕድ ለሸብህ ወእት ሕድ ለትቀርብ ገቢይ እግል ልተሌ ለአስትህል። እሊ ህዩ እግል ሸቅል ለሰርግል ወቀረድ ናይል ተርጀመት ለለዐውት ሰበት ቱ ልትሐሬ።

ትዕቤ ወትንኸሽ እብ በይነ ህግዩ ታመት ወእት ብዕድ ለኢትትሐገዝ ለትብህል ይህሌት። ሀገጊ ዐለም ክሉ እብ ዓመት ወለክለ ዐለም ማልከት ለህሌት ህግዩ እንግሊዘ እብ ፍንቲት። ዝያደት እግል ትደቀብ ወመሐገዝ እግል ተአርቴዕ ወጋመተ እግል ተአትምም እብ አላፍ ለልትዐለብ ከሊማት ምንሊ ትፈናተ ሀገጊ ዲብ ትሰለፍ እሊ ደረጀት እሊ ባጽሐት ህሌት።

ትግረይትመ እትሊ ወቅት እሊ። ምስለ ዲብ ተዐቤ ወትፈይሕ ተአሳድሩ ለህሌት ወእብ ፍንቲት ዲብ መጃላት ዔማት አክባር መሕገዝ ከሊማት እግል ልትሃደፈ ላብድ ቱ። ሰበት እሊ ምን ህግዩ ሐርሰ ርዕዮ ወግዳት ሌጠ ግብአት እንዴ ትባሊሐት ዲብ ህግዩ ዕሉም። ቱክኖሎጂ፣ ሰያሰት ወፈልሰፊት እግል ትትዕዴ ገብአት ምንገብእ። ሰሌፍ ሐላል ዲባ ቱ። መትሰላፍ ሐቱ ህግዩ ምን ሀገጊ ብዕድ ህዩ ዐቦት ወመትቀዳም ናይል ትሰለፍ ለህሊት ህግዩ ለአርኤ። እግል ሚ ህግዩ ዲብ ሰሌፍ ተሐገዝት ምን ገብእ ተዐቤ ወትወሰክ ክምሰል ህሌት ተአክድ።

እግል መሰል ህግዩ እንግሊዝ እግል ናስ 80% ከሊማተ ምን ብዕድ ሀገጊት ለትሰለፈቱ ክምሰልቱ ነአምር ማሚ።

እሊ ህዩ፣ 29% ምን ላቲን፣ 29% ምን ፈረንሳይ፣ 26% ምን



ጀርመን፣ 6% ህዩ ምን ግሪክ ቱ። ሰበት እሊ መትሰላፍ ሐራም ሰበት ኢትን፣ ግሪ እሊ ዲብ ዔማት አክባር ተርጀመት ለኢረከብነ እግል ከሊመት እብ መትሃግዩት ትግረይት ወናሰነ ለእንጥፍቅ እት እግል ልፍህመ ለቀድሮ እግል ንትሰለፍ እንቀድር። እብ አውለውየት ለልትረተበ ዐረቢ ወትግርኛ ተን።

ምን እት ተርጀመት ለልትረኤ ጌጋታት፡-

1. መውደዕ ለእሉ እንተርጀም ከሊመት እብ ከሊመት ደል ገብእ።
2. ሰሜት ወሰፈት እት ሕድ ደል ነሐባልከ።
3. ከሊማት ሰሌፍ እብ ዋጅብ ኢመትነፍቶት።
4. አብዘሐት ወአርዮጥት ከሊማት።
5. ዋጅብ ንዛም ንቀጥ ኢመትነፍቶት።
6. ለተርጀመት ምስል ዓዳት ወቅድረት ቁርአት፣ መተንሰየት ወዳፍየት ደል ኢትገይሰ።
7. እብ ሸፋግ ተርጀምት
8. ክምሰልሁመ ለእሉ ተርጀምክ ካልኣይ ደል ልብ እንዴ ከሬክ ይአርትዮት።

እሊ ምን አግደ ዲብ ተርጀመት ለላድፍ መታክል ቱ። ዲብ አዳለዮት አክባር ጌጋታት ብዙሕ እንወዴ። እሊ ለተሌ አምሳል ሚ ጅንሰ ጌጋታት ገብእ ክምሰል ዐለ ወህለ ዝያድ ወዴሕ እን።

1. እት ዮም 12 ሰብተምበር 2007 እት ግብላት ሶዳን ዕፌ እግል ትቀድም ለአምበተት ፍርቀት ዓዳት ዋልተ እት መዲነት ሩምቤት እግል ሐድ 10.000 ሸቦብ ዕፌ ዓዳት ቀደመት።

2. ኢራን ዮም እግል 1800 ኪሎሜተር እግል ሲጊስ ለቀድር ተጀርበት ሳሩክ ክምሰል ወዴት ትሸረሐ።

እሎም ክልኣት ከበር ልክቶም እንዴ ኢትነቅሰ ወኢትዘይድ ክእነ ለተሌ ምን ልተርጀመ ህዩ ረአይኩም ሚቱ።

• ዮም 12 ሰብተምበር 2007 ፍርቀት ዓዳት ዋልተ፣ እት ግብላት

ሱዳን መዲነት ሩምቤት እግል ሐድ 10አልፍ ሸቦብ ዕፌ ቀደመት።

• ኢራን ዮም 1800 ኪ.ም. ለልትፊተት ሳሩክ ጀረበት እሎም ክልኣት ከበር ልብ እንዴ ከሬነ ንፈትሾም። እት ንሕሬ ወንትነፈዕ።

ዐደሎት ከሊማት ክምሰልሁመ እት ንዛም ንቀጥ ወአትሐጨርት ለህለ ፈርግ ንርኤ። ምን ገቢይ ለህቶም ትርጃማም እብ ህለው እንዴ ትብገስ ለሐሰት ገቢይ ተርጀምት ንሕሬ ወንትነፈዕ።

ኤ ራ ት ር ዩ



ለገብአት ደውሉት ናይ ናስ ነሺድ ወጠን ህሊ እግል። ኤራትርያመ እት ክምሰልሁ። እሊ ለተሌ ኤራትርያ ለትብል ነሺደት ህዩ እብ ለትፈናተ ሀገጊት ወጠን እንዴ ተርጀመት ትትነሸድ ህሌት። ከእግል ዮም ዲብ ዓመድ ፈን ወግዳት ክሉ ፈርያተ ጀላብ እግል ለአምር እላተ እብ ሕበር ንሾደ።


ኤራትርያ ኤራትርያ ኤራትርያ በዐል ደመ ትሸረብ ክሉ ረአሱ እስትሸሃደ ዓውቱቱ ልባሱ (2)

እግል ሰኒን ሐጠት እት መግጥር ተአምራት ሰባት ተ እሊ ምድር ኤራትርያ ናይ ዝሉማም ሕሸመት አመርዴተ አማን ክም ትትዐወት

ኤራትርያ ኤራትርያ አመርዴተ ኣካነተ ዲብ እድንዩ

ሕርየት ለአምጸአ ኢመትሓላል እግል ብነ ልክደም ወእግል ዐማር እግል ትትብኔ ቀደም እግል ኒደዩ አማንት ብና ሐሪር ንሰርግዩ።

ኤራትርያ ኤራትርያ አመርዴተ ኣካነተ ዲብ እድንዩ



ወጠንደይ ጅግረ መካይን ወቱክ-ቱክ ገብአ



ሰሌ. አብሐርሽ



ወጠንደይ ጅግረ መካይን ወቱክ-ቱክ ሰንበት ዐባይ 8 ዲሰምበር ዲብ ቤት ገርግሽ ገብአ።



መትጃግረት ሸበት ሰና በርኾት

እሊ እብ ለመድ ጁምካን እንዴ ትበሀለ ለልትሰሜ በኩት ለገብአ ጅግረ፡ መትጃግረት እብ ቅያሰ ቅወት መቶር ናይለ ጸቡጠን መካይን ወቱክ-ቱክ ዲብ መጃምዕ እንዴ ትካፈለው ተልሀው።

እትሊ ሐቲ ዱር 1.4 ኪሎ መትር ለከምካም ጅግረ፡ ሰልፍ ለአሰብደው መትጃግረት ናይ 1000 ሲሲ ቶም ናይ ሰማን ዱር ለትባደረው። እትሊ ሐቲ ወለት አንሳይት ለዐለት እቲ ጅግረ ፊያት ኡኖ ለኑዐ መኪነት ኡም ደባሳይ አወላይ አተ። ሴም ዑቅብሚካኤል ወዳዊት አሮን ህዬ ካልኣይ ወሳሳይ አተው። ለሐቲ በይነ ለትሐበረት እቶም አንሳይት ሲነ በረኽት ታሰዳይ ደረጃት ጸብጠት። እለ ወለት 21 ሰነት ሻበት እብ ሰጃዐት ምስል ውላድ መትጃጋሪ ህዬ ለልኦትሐምዳተ።

እብለን ለመሰለ ሲሲ፡ ገዳይም መትጃግረት ዲብ መጃምዕ 'ሀ' ወ'ለ' እንዴ ትካፈለው ተልሀው። 10 ዶል ህዬ ከለው። ዲብ 'ሀ' ሙሴ ኪርሰ ልትዐወት እት ህለ።

ቴድርስ ሰይም ወዳንዮም እምባዬ ዲብ መነሰት ለልዓርገም ደረጃት ጸብጠው። ዲብ መጅሙዐት 'ለ' ህዬ 45 ቅወት ፈረስ ለበ ፊያት ኡኖ እንዴ ጸብጠ ለትጃግረ መሪን ተወልደመድህን። እግል ናታን መሐሪ ወእዮብ ክፍሌ እንዴ አትለ ተዐውተ።

12 ዱር ለገልበበ ናይ 1300 ሲሲ ገዳይም መትጃግረት መ ዲብ ክልኤ መጅሙዐት እንዴ ትካፈለው ትጃግረው። ዲብ 'ሀ' ፊያት ኡኖ ለዘወረ ሚልክያስ ገዛኢ ተዐውተ። አድሕድ ለመሰለ ኦፐል ኮርሰ ለጸብጣም ዳዊት ማቲዎስ ወዳንኤል ቦኽረጸን ህዬ አሰር-አሰሩ አተው። ዲብ መጅሙዐት 'ለ' አሚር ኢማም ቱ አወላይ ደረጃት ለጸብጠ። ነቲጀት መአሰሰት ፊያት ኢጣልያ ላተ መኪነት ለዘወር ዐወት ወልዱ ወዐብዱልሰላም ዐብዱልሃድር ህዬ ናይ ፍደት ወነሐስ መዳልየ ትሰርገው።

ለ1600 ሲሲ ካርቡራቶር መካይን ለጸብጣም፡ ፍንጌ ሙጌተ ህይሌ ወአቤል ምስግነ ጀዛብ ጅግረ ትረኡ። ኦፐል ኮርሰ እንዴ ጸብጠ ለትጃግረ ሙሉጌተ ህዬ ሆንደ ሰሺል እግል ጸብጠ ለዐለ አቤል እንዴ ቀልበ ናይለ ለሐልፈ ወራሕ ጁን ዐውቲህ ደግሙ። ቶኖተ ኮረለ ለዘወረ ያፈት ዮሴፍ ሳልሳይ አተ። እሎም መጅሙዐት እሎም 14 ዱር ለወደውቶም።

ለናይ 16 ዱር ለከለው ናይ 1600 ሲሲ ኢንጅክሽን መትጃግረት፡ ነቲጀት ፈርያት መ አ ሰ ሰ ት ፊናውልት ፈረንሰ ላተ መኪነት እንዴ ጸብጠ ለአተ በዩኔ ስምኦን። እግል ናይ እለ መአሰሰት እለ ለዘወረ ከአተ ሐሴን አሕመድ እንዴ ቀልበ ተዕውተ። ሙሴ ታደሴ ህዬ ጃኢዘት ነሐስ መዳልየ ገብአ። መትጃግረት

ምን 1600 ሲሲ አሰክ 1800 ሲሲ እብ ሕበር ቶም ዲብ ሐቲ መጅሙዐት ለትጃግረው። ዲብ ወራሕ ጁን አወላይ አቲ ለዐለ ናይ 1600 ሲሲ ቶኖተ ኮረለ ለዘወር ሐበን ጎይትኦም አዜመ አወላይ ገብአ። ናይ አልማንዮ መአሰሰት ዲብ ለፈራየ ፕልክሰዋንን መካይን ለጸብጣም ዐቢ ይሕደጎ ወሄኖስ ገብራሂወት ህዬ ዲብ 16 ዱር ለሸምለ ጅግረ ካልኣይ ወሳሳይ አተው።

ዲብ ሰለስ መትጃግረት ናይ 2000 ሲሲ ሙሉብርሃን ሰለሙን አወላይ ገብአ። ዲብ ደንጎበ ናይ ጎመ መሻክል ዋዲ ለዐለ ሙሉብርሃን 155 ቅወት ፈረስ ላበ አልፋሮማየ መኪነት እንዴ ዘወራቱ ዲብ እሊ ናይ 18 ዱር ጅግረ ለትዐውተ። ናይ 1300 ቱርፖ ፊያት ኡኖ ለጸብጠ ያፊድ መዘሎ ተልየ እት ህለ ገላይ ገብራኤምላክ ላኪን ጅግራሁ ኢኦትመማኒ።

ለክልኦት ናይ 2000 ሲሲ ቱርፖ መትጃግረት፡ ንጉሴ ሃብቲ ሰበት ኢሻረከ ሊኖርዶ ሞዲቺ 18 ዱር በይኑ ምስል እሎም ናይ 200 ሲሲ እንዴ ተሐበረ ሰበት ዶረ እግል ሙትፈርጀት አትፋግዐ።

እት ቱክ-ቱክ ዲብ 175 ሲሲ ምን መርከዘ ተድራብ ሳወ ለመጽኦ ምስግነ መሐሪ እግል ናሆም ኢትባረክ ምን ቅያደት ሃንደሰት ዐሰከርየት እግል መጽኦ

እምባዬ ሳሙኤል እንዴ አትለ ተዐውተ። ዲብ 125 ሲሲ ህዬ ሃብቶም ገብራመስቀል፡ አሮን ሮእሶም ወያቆብ የማኔ አድሕድ እንዴ መርሐው አተው።

እሊ ጅግረ ለሐልፈ ወራሕ ጁን እትለ አካን እለ ጋብእ ክም ዐለ ለልትፈቀድተ። መትጃግረት ህዬ ወለ ናይ ሰላዲ ጃኢዘት ምንመ ኢኦለም፡ እሊ ጅግረ እሊ ለጠልቡ ብዙሕ ተካሊፍ እንዴ ወዱ እግል ሙ ት ፈ ር ጀ ት አትዐጀበው። “ዲብ

ሙስተቅበል፡ ህዬ ምን ኬን ጃኢዘት እብ ሐቶ ዲብ ጅግረ ለሐቀ ጎመ ወለ ሃልክ ጃዝ ለልዐውድ ጀዋኢዝ ምንገብእ እግሉ ዝያድ ወትሰጀዐ ወመትጃግረት እንዴ በዝሐ

ወጌሰው። ምን ብዕድ አቃሊም ለሻርብቡ አግቡይ ምን ልጣፋሕ መ እሊ ጅግረ እሊ ዝያድ ወገብአ” ዲብ ልብሎ ትሉሉይ ረአዮም ለሃይቦ።



ሱፐር ዲቪዥን 'ጌ' ጸተካካ ጭንወጠጭ ቀየሕተመተው

ሱፐር ዲቪዥን 'ጌ' ቀደም ማሌ ለሀ ዲብ እስታዲም አስመረ እብ ክልኤ ትልህየታት እተ ለአተላለ እቲ፡ ደንደን ወበሐር ቀየሕ ተዐውተው። ምስል ፓራዲዞ ለተልሀ ፈሪቅ ደንደን ዲብ ካልኣይ ደቂቅ ምን ሴም ተኪኤ እበ ለረክበዮ ገል 1ኦብዐ መርሐ። ምናተ እሊ ሸፍገት ገል ለትሰጀለት እቲ ትልህየ፡ እተ ለተለ ወክድ ብዕደት ገል ኢትሰጀለት እቲ። እብለ ደንደን ሰለስ ኑቅጠት ነስኦ ወሴም ላሌስ መተልህይይ ትሰመ። እሊ ፈሪቅ ዲብ ሰለስ ትልህየታት ሰበት ተዕውተ ህዬ ሙሉእ ሰዕ ኑቅጠት ኪሉል ህለ።

ለተለ ትልህየ ህዬ እግል ዐባይ ፍረቅ በሐር ቀየሕ ወአልታሕሪሪ ለአትራክብ ዐለ። እብ ንኣይሸ ወሻፍጋም መተልህየት ለትሰሰ ወእብ ሻብ ሙደርብ ዮራን ኪዳኔ ለልትመራሕ ፈሪቅ አልታሕሪር እግል ናይ ደግም ሻምፕዮን በሐር ቀየሕ እግል ለአፍርህ ትረኡ ከዐለ። ዲብ መንፈዐት እግል ለአውዕሉ ላኪን ኢቀድራኒ።

በሐር ቀየሕ ዲብ 48 ደቂቅ ምን ሳልሕ ሰዑድ ከምስልሁም ዲብ 87 ደቂቅ ምን ዮናታን ነጸረኡበ እበ ለረክበዮን ጎላት 2ኦብዐ ተዐውተ። እብ ሙሉእ ሰዕ ኑቅጠት ህዬ ዶር ማርሐቲ ለአተላላ ህለ።


እሊ ጅግረ፡ ፈጅር መአሰሰት ሰምበል ምስል ቅወት ጀው፡ አስመረ ቢረ ምስል ማይ ተመናይ ወጎዳይፍ ምስል አዱሊስ እበ ወድው ትልህየ እግል ለአተላላ።





አጀኒት ነጋይሽ ምን ዐባዩ ዝያድ ዓጭሞታት ክም ስም ተአምሮ ማሚ?

እት አጀኒት ነጋይሽ እብ ብዘሎ ዓጭሞታት ክም ህለ ልትሸረሕ። እሊ በህለት ምር ግርዝ ዶል ልትወለድ ምን 275-300 ዐጭም እት ብእቱ ክምሰል ልትወለድ ልትአመር። እት ለዐቤ እት ገይሰ እቱ ወቅት ህዩ ለዓጭሞታቱ እት ነቅሰ መጽእ። እሊ ለገብእ እቡ ሰብብ ህዩ ለጥፍል እት ለዐቤ እት መጽእ እቱ ወቅት ለነጋይሽ ለዐለ ዓጭሞታት እት ልትሓበር ዓጭሞታት ዐባዩ ክልቁ።



ናይ አጀኒት ዓጭሞታት ውቅል ቅድረት ናይ መትለዋላይ ጠቢቦት ቡ። እሊ ህዩ፡ ለናይ ነጋይሽ ዐጭም ለኢተመ ዐጭም ሰበት ቱ ብዘተሕ ናይ መትፈርቃቅ ጠቢቦት ቡ። እሊ ህዩ ዐጭም ንኡሽ እብ ቀላል እግል ልትለዋሎ ቀድር።

መታዳሎት ነበሰካ ነገሠ ህዳቱ



ሐቲ ናይ ከሰል አምዕል እት እት ሳምን ምን መደሀር ደቅዋ ደም ወእግል ረይም ወቅት እብ ዓፍየትክ እግል ትንበር ትሳዕ። ከሰል ምን ትሉሉይ መትሐራክ ዕርፍ ናይ ሐቲ አምዕል ክም ረክብ ወዴ። እት ክምሰልሁመ ሸቀለን ክም ነቅሰ ወእብ ክትር ሸቅል ወክድመት እት ገርብነ ወፍክርን ለልትሰብብ ነቃሰ (መሻክል) እግል ሀወናት ሳዕድ።

እምበል እሊመ እት ሀወናት ሐሩቀት ወአሻይር መትረባሽ እግል አንቀሶት ክም ሰዴ ልትሸረሕ። እብ ተውሳክ እት ሓዳትክ ስእየት ብዘሎት ወኪር እግል ትውዴ ሳዕድ፡ ከእብሊ ከሰል እግል ሙክነ ወዐቅልነ ወእብ ዓመት እግል ዓፍየትክ መንፈሳት ዐባዩ ቡ። እግልሚ ዲብ እሊ ክሰላም እቱ ለህሌነ ወክድ፡ ብዘተሕ እግል ንትሸቀል ወንህመም ይእቀድር።

9 ፎንቲት ስወር ሕዘው

SPOT THE DIFFERENCE

Can you spot the 9 differences between these two pictures?



ሳድስ ወሬር ክብ ካርቱን

ገጠር ከረገቱ ደዋር ደም ለአሃቅስ

እት 2018 ለገብእ ድራሳት እሰረት ከረገቱት ናይ ሐንገል ደዋር ደም እብ 7.5% ክም ነቅሰ ወዴ። እብሊ ህዩ ደወሻን፡ መትላላል እት ክምሰልሁመ ወጃዕ ረእሰ ክም ሰብብ ልትሸረሕ።

ምን ሕመም ዲብ ሐኪም ወምን ሐኪም ዲብ ሕመም እብ ቀላል ገበይ እግል ልትሐላለፍ ቀድር። እብሊ አሰባብ እሊ ህዩ፡ ሐኪም ሕመም እት ልርኤ እቱ ወክድ ልባሰ ክምኩም እግል ልትነፈዕ መክር።



እ ም በ ል እሊመ ደቅዋ ዕ ን ታ ት ሰ ብ ብ ፡ ወ ጀ ራ ሲ ም እብ ቀሊል እ ግ ል ል ት ሐ ላ ለ ፍ በክት ረክብ ትብህለ። ከረገቱት ክም ረምዝ አው ዕላመት ናይ ሰቃፊት እት ክምሰልሁመ ጀላል ናይ ልባሰ ምንግ ተ እግል ዓፍየትክ ላተ ብዘተሕ መጥሉበት ክም ኢትን ልትሸረሕ።

እግል መሰል እት ሰብ መቅደረት ዓፍየት ዶል እንርኤ፡ ምር ሐኪም ጀራሲም እብ ከረገቱቱ እንዴ ወደ

ሰበት እሊ ከረገቱት እግል ንገርም እብ ዲብ እምብል ሕማም ወመሻክል እግል ኢትጅሰብ እግልን ንትወሴ።

ተአምሮ ማሚ?

- * ወረሕ አክል ሕድ ምለዐል ረእሰነ እት በጽሕ እቱ ወክድ ደረጃት ከባደት ገርብነ ክም ነቅሱ።
- * ግይ ሕፋን ምን ግይ ብሩድ ወለዐል አዲግ እት ተልጅ እግል ልትቀየር ክምሰል ቀድር።
- * እት ዐለም እብ ብዘሎ ለትሰሚ ሰሚት መሐመድ ክምሰል ተ።
- * መትቀያየር ጀው ሕብር ዕምባባ ክም ልትቀየር ምሰሉ።
- * ከንዘር እት ሰመ እግል ልግክሕ ክም ኢቀድር።

ገጠ ምን ቀዋን ሐቅ

1. እብ መልሃይክ ትህጌ
2. መብዘሐ ወቅት አትቃምት።
3. ሕኔት ብዘተሕ ትትሃጌ ብዘተሕ አትንሴ።
4. እግል ዓፍየትክ አውለውየት ህብ
5. ምን ርሕክ ብዘተሕ ድረሰ
6. ምን ሐሩቀት ርሕክ ምለክ።
7. ብዘተሕ ኢትፍረህ ወፈርሓን ግበእ
8. ምሰል ኩሉ መ ተ ዋ ድ ዕ ግበእ።

